

ԵՐԱԺԻՇՏ



Երևանի Կոմիտասի անվան
պետական կոնսերվատորիա

Yerevan Komitas
State Conservatory

Ереванская государственная
консерватория им.Комитаса

Լույս է տեսել ISSN 1829-0469 թղթային տարբերակը 2005թ. դեկտեմբերի 25-ից (220)

4 ապրիլ 2024

ՀԱՅՈՑ
ՑԵՂԱՍՊԱ-
ՆՈՒԹՅԱՆ
109-ՐԴ
ՏԱՐԵԼԻՑԸ



Հայաստանի Հանրապետությունում Արարական Միացյալ էմիրությունների Դեսպան ղոկտոր Նարինան Ալմուլլան այցելեց ԵՊԿ

8

Մեկնարկել է Բ.Պենդերեցկու անվան
ժամանակակից
երաժշտության
փառատոնը



2



ԱՃՆԱ Մայիլյանի դասարանի համերգը

5

Վլադիլեն Բայան. մսֆի եւ
գործի հարյուր տարվա
միություն

Ա. Մալինյանի
տուն-թանգարան



3



Երեւ
համերգ՝ պոլսահայ
հանրության համար

Եվրոպայի ամենասեղծարար եւ
փնտրված դաշնակահարուհիներից
մեկը՝ Մարիաննա Շիրինյանը
Պրահայում. Գրիգին
հազորդեց Բաբազանյանը



Դիանա Հարությունյան և Արթուր Պաղտասարյան
Մարգարիտ Սարգսյան

6



Մագդա Մկրտչյան



Մարիաննա Շիրինյան

9

Հայ երաժշտական
գեղունակների՝
օրորներգության
նմուշների
նոր «կյանքը»

12

Հայ կոմպոզիտորական արվեստի փառասունը ներկայացրեց XX դարի, մեր ժամանակակից եւ նրիսասարդ կոմպոզիտորների ստեղծագործություններ

«Մարդու ճակատագիրը» խորագրով համերգով ամփոփվեց Հայ կոմպոզիտորական արվեստի 15-րդ փառատոնը: Ծրագրում հնչեցին Վահագն Վարդանյանի Պրելյուդ, պասակալիա և ֆուգա սիմֆոնիկ նվագախմբի համար ստեղծագործությունը, Արամ Սաթյանի «Մակբեթ» սիմֆոնիկ պոեմը և Ջոն Տեր-Թադևոսյանի 2-րդ Սիմֆոնիան՝ ըստ Միխայիլ Երմոլովի «Մարդու ճակատագիրը» պատմվածքի: Համերգը ղեկավարում էր դիրիժոր Ալեքսանդր Դումալայի ղեկավարությամբ: Վահագն Վարդանյանը Պրելյուդ, պասակալիա և ֆուգա ստեղծագործությունն է սկզբանե գրել է երգեհոնի և սիմֆոնիկ նվագախմբի համար, հետագայում փոխադրել է այն նվագախմբային մեծ կազմի համար: Ըստ հեղինակի՝ ամբողջ ստեղծագործությունը երգեհոնային յուրահատուկ տրամադրության մեջ է գրված: Այն գրվել է 2017 թ., 2017-ից ի վեր հեղինակը բազմիցս անդրադարձել է լրանշակել այն, և ահա Հայ կոմպոզիտորական արվեստի փառատոնի շրջանակներում առաջին անգամ ներկայացվեց ունկնդրին: Արամ Սաթյանը նշեց, որ «Մակբեթ» սիմֆոնիկ պոեմը Շեքսպիրի գործերի հիման վրա գրված իր երկրորդ ստեղծագործությունն է, առաջինը «Համլետն» է: Հեղինակը նշում է, որ այս երկու սիմֆոնիկ պոեմները գաղափարապես տարբերվում են միմյանցից: Ըստ նրա՝ «Մակբեթ» սիմֆոնիկ պոեմը ներկայացնում է մեր օրերը, հասարակությունում տիրող բարքերը, հարաբերությունները: Պարոն Սաթյանը նշում է, որ իր ստեղծագործության հիմքում լավատեսությունն, և այդ



Հայաստանի պետական սիմֆոնիկ նվագախումբը Ալեքսանդր Դումալայի ղեկավարությամբ

ճոտայով էլ ավարտվում է սիմֆոնիկ պոեմը: Հայաստանի պետական սիմֆոնիկ նվագախմբի տնօրեն Սարգիս Բալբաբյանը նշել է, որ 15 տարիների ընթացքում Հայ կոմպոզիտորական արվեստի փառատոնի շրջանակում հայ կոմպոզիտորների 100-ից ավելի մեծակտավ ստեղծագործություններ են թվայնացվել: Սարգիս Բալբաբյանը հույս հայտ

նեց, որ հնարավորություն կունենանք միջազգային հրատարակչություններին ներկայացնել հայ կոմպոզիտորների ստեղծագործությունները, որպեսզի դրանք հասանելի դառնան մաս Եվրոպայի, ԱՄՆ-ի նվագախմբերի համար, որոնք օգտվում են այդ հայտնի հրատարակչությունների հարթակներից:

Հայ կոմպոզիտորական արվեստի փառատոնը կազմակերպել են Հայաստանի պետական սիմֆոնիկ նվագախումբը և Հայաստանի կոմպոզիտորների միությունը: Այն իրականացվել է ՀՀ կրթության, գիտության, մշակույթի և սպորտի նախարարության աջակցությամբ: Փառատոնին աջակցում էր Հայկական բարեգործական ընդհանուր միությունը: Հայ կոմպոզիտորական արվեստի փառատոնի նպատակն է հանրահռչակել XX դարի և ժամանակակից հայ դասական երաժշտությունը:

Խմբագրական
Նյութը վերցված է

<https://www.aravot.am/2024/04/01/1409482/կայքից>

Մեկնարկել է Ք. Պենդերեցկու անվան ժամանակակից երաժշտության փառատոնը

1 Երևանում, ապրիլի 4-ին մեկնարկել է Ք. Պենդերեցկու անվ. ժամանակակից երաժշտության չորրորդ փառատոնը: Փառատոնային երեք սիմֆոնիկ համերգների ընթացքում ներկայացվում են ինչպես Պենդերեցկու, այնպես էլ մեր օրերի ժամանակակից կոմպոզիտորների ստեղծագործություններ: Փառատոնը բացվեց Պենդերեցկու ստեղծագործությունների կատարմամբ: Հայաստանի պետական սիմֆոնիկ նվագախմբի հետ ելույթ ունեցավ տաղանդավոր ջութակահարուհի Ջու-Յոնգ Բեքը՝ կատարելով հայկական արմատներով լեզենդար լեհ կոմպոզիտորի «Մետամորֆոզներ» ջութակի 2-րդ կոնցերտը, այնուհետև նվագախմբի կատարմամբ հնչեց «Կորեական» 5-րդ սիմֆոնիան: Հայաստանի պետական սիմֆոնիկ նվագախմբի գեղարվեստական ղեկավար, գլխավոր դիրիժոր Սերգեյ Սմբատյանը նշել է, որ Պենդերեցկին երաժշտության մեջ ժամանակակից նոր լեզվի, նոր մտածելակերպի ստեղծողն է: Մասնատոն ընդգծել է, որ մեր երկրի, մեր մշակութային օրակարգի համար շատ կարևոր է ունենալ Պենդերեցկու անունը կրող փառատոն: Հայաստանը, անցկացնելով Պենդերեցկու անվ. փառատոն, արտահայտում է իր հոգևոր կապը կոմպոզիտորի հետ: Ջութակահարուհի Ջու-Յոնգ Բեքը, որ երկրորդ անգամ է համագործակցում Հայաստանի պետական սիմֆոնիկ նվագախմբի հետ, նշել է, որ ինքը կատարել է Պենդերեցկու բազմաթիվ ստեղծագործություններ, ծայրագրել: Ընդ որում, կատարել է ոչ միայն նրա սիմֆոնիկ, այլև կամերային գործերը: Ըստ ջութակահարուհու՝ Պենդերեցկու երաժշտությունը շատ գեղեցիկ է, ազդեցիկ, հզոր, քնարական, սրտա-



Ջու-Յոնգ Բեք, Հայաստանի պետական սիմֆոնիկ նվագախումբ, դիրիժոր՝ Սերգեյ Սմբատյան

ռուչ, և ունկնդիրը շատ լավ է ընկալում ու հասկանում նրա մեղեդիները: «Որպես մենակատար՝ ես մեծ հաճույք եմ ստանում նրա արվեստից: Ամեն անգամ սիրով եմ կատարում նրա ստեղծագործությունները», - ասում է Ջու-Յոնգ Բեքը:

<https://www.aravot.am/2024/04/09/1411095/>

2019 թ. ստեղծված «Ժամանակակից դասականներ» կոմպոզիտորական փառատոնը 2022 թ. կրում է լեհ լեզենդար կոմպոզիտոր և դիրիժոր Քիլիան Գլինկայի անունը: Պենդերեցկին գրեթե 60-ամյա գործունեության ընթացքում հեղինակել է ավելի քան 100 գործիքային ստեղծագործություն, ավելի քան 120 երաժշտական գործ անի-

մացիոն ֆիլմերի, տիկնիկային, դրամատիկական, հեռուստատեսային թատրոնների, ինչպես մաս զեղարվեստական և վավերագրական ֆիլմերի համար:

Փառատոնի շրջանակում ապրիլի 4-18-ը կհնչեն մաս Լուդովիկո Էյնաուդիի, Բեհգադ Ռաջբարանի, Ալեքսանդր Ռոզենբլատի (Պարսկաստան), Պատրիշա Մորիեդի, Սերգեյ Սլոնիմսկու և Սլոյ Կառլ Ջենքինսի ստեղծագործությունները:

Երեք սիմֆոնիկ համերգների ընթացքում Հայաստանի պետական սիմֆոնիկ նվագախմբի հետ հանդես կգան մաս Ֆլեյտահար Ալեքսանդր Հասկինը, բաս կիթառահար Անտոն Դավիդյանը, դաշնակահար Ջուլիա Ջիլբերդուիթը: Համերգները ղեկավարեցին դիրիժորներ Սերգեյ Սմբատյանը և Նատալի Մյուրեյ Բիլը:

Ք. Պենդերեցկու անվ. ժամանակակից երաժշտության փառատոնի շրջանակներում երևանյան ունկնդրին են ներկայացվում մեր օրերում աշխարհի տարբեր ծայրերում ստեղծագործող ժամանակակից կոմպոզիտորների ստեղծագործությունները, դրանցից շատերը Հայաստանում հնչում են առաջին անգամ:

Խմբագրական
<https://hy.amradio.am/archives/562277>

ԱՊՐԻԼԻ 24-ԻՆ ԼՐԱՑԱՎ ՀԱՅՈՑ ՑԵՂԱՍՊԱՆՈՒԹՅԱՆ 109-ՐԴ ՏԱՐԵԼԻՑԸ

ԱՊՐԵԼ ԵՎ ՄԵՌՆԵԼ ՀԱՅՐԵՆԻՔԻ ՀԱՄԱՐ...

Ելե՛ք, հայկազյան քաջագուն սերունդներ, առե՛ք զենք ու զրահ իմ բարեսնունդ զավակներ, խփե՛ք, փշրե՛ք ձեր թշնամիների գունդը, ոգի՛ տվե՛ք միմյանց, կանգնե՛ք թիկունք թիկունքի, թող ջախջախվի այդ նկուն գազանը:

ԽԱՉԱՏՈՒՐ ԱՐԽԱՅԱՆ

4



Վլադիլեն Բալյան. մեֆի եւ գործի հարյուր տարեկան միություն

1

Ապրիլի 25-ին լրացավ կոմպոզիտոր, երաժշտական-հասարակական գործիչ, խմբավար, ՀԽՍՀ արվեստի վաստակավոր գործիչ, Սուրբ Մովսես Խորենացու մեդալակիր, ՀՀ Մշակույթի նախարարության ոսկե շքանշանակիր, ՀՀ ժողովրդական արտիստ, Գյումրիի և Երևանի պատվավոր քաղաքացի Վլադիլեն Բալյանի 100-ամյակը: Վլադիլեն Բալյան անունը լսելիս իսկույն մտաբերում ես «Ամպեց, կորավ լուսնկան» շատերի կարծիքով ժողովրդական երգը: Կոմպոզիտորը, սակայն, միայն իր այս անմահ ստեղծագործությամբ չէ, որ արժանիորեն կմնա սերունդների հիշողության մեջ: Հայ և օտար բանաստեղծների տողերով բազմաթիվ երգերի, սիմֆոնիկ, կամերային, վոկալ-գործիքային, երգչախմբային, երաժշտաթատերական երկերի հեղինակ կոմպոզիտորը մաս ղեկավար, ինչպես և հիմնադիր է եղել մի շարք մշակութային հաստատությունների և նախաձեռնությունների: Վ. Բալյանի պաշտոնավարության տարիներին՝ ուր էլ որ եղել է, փայլուն մտահղացումների և անկուտում կամքի շնորհիվ որակական մի մոր աստիճանի են բարձրացել նրա ղեկավարած հաստատությունները: Դրանց շարքում Ալեքսանդր Սպենդիարյանի տուն-թանգարանը, որը նա ղեկավարել է 1966-1972 թթ.՝ փաստացի դառնալով այս՝ Հայաստանի առաջին երաժշտական հուշ-թանգարանի հիմնադիր-տնօրենը: Մշակութային այս օջախը, որի հարկի

պատգամներն ու խորհուրդները, ինչի համար շնորհակալ եմ»: Վ. Բալյանի կյանքի ուշագրավ դրվագներն ամփոփող տեսաշարին (հեղինակ՝ տուն-թանգարանի գիտաշխատող Ինեսսա Խաչատրյան) հետևեց կոմպոզիտորի որդու՝ Կարեն Բալյանի խոսքը. «Շնորհակալություն եմ հայտնում Ա. Սպենդիարյանի տուն-թանգարանին. այն իրոք տուն է՝ բառիս բուն և ամենալավ իմաստով, և հայրիկի համար էլ ստացվեց այնպես, որ իր ստեղծած թանգարանն իր համար էլ դարձավ տուն: Սա շատ թանկ և հազվադեպ բան է, որ կյանքը, ջերմությունը, ստեղծագործությունը տարիներ շարունակ տևում է մի վայրում և չի մարում»:

Չայնասկավառակի նախաձեռնությունը կոմպոզիտորի թոռան՝ Տիգրան Հախումյանին է: Ընդգրկված 2 վոկալ ցիկլերը կատարում է ՀՀ վաստակավոր արտիստ Աննա Մայիլյանը (սոպրանո):

Երեկոյի ընթացքում հնչեցին «Անցածը ետ չի դառնա» և «Դու, միայն դու» երգերի ձայնագրությունները, իսկ ևս երկու երգի բանաստեղծական տողեր էլ ներկայացրեց ասմունքող Աննա Միքայելյանը: Ի նշան Վ. Բալյանի հիշատակի առջև իր խոնարհումի՝ ՀԽՍՀ ժողովրդական արտիստ Ս. Նավասարդյանը շուպենյան մանրանվագների մի փունջ պարզեց ներկաներին, իսկ իր խոսքում նշեց, որ Վլադիլեն Բալյանը գտել էր կյանքն ըմբռնելու բանալին և տիրապետում էր ապրելու արվեստին:

հիշելով Սարյան ընտանիքի լավագույն բարեկամ Վ. Բալյանին՝ Ռ. Սարյանը նշեց. «Բալյանն այնպիսի լուսավոր մարդ էր, որ իր ստեղծագործական մտահղացումներով ոգևորում էր նույնիսկ 84-ամյա Սարյանին և մղում ստեղծելու արվեստի գործեր, որպիսիք են Ալեքսանդր Սպենդիարյանի դիմանկարը և «Անոթ Բաբաջանյան» համերգասրահի մոնումենտալ վիտրաժային պաննոյի էսքիզը»:

ՀՀ ժողովրդական արտիստ Թ. Պողոսյանը հուշեր պատմեց Սայաթ-Նովայի անվ. զուսանական երգի պետական վաստակավոր անսամբլի և Վ. Բալյանի համագործակցության տարիներից. «Վլադիլեն Բալյանը, լինելով ակադեմիական դասական երաժշտության ավանդույթի կրող կոմպոզիտոր, մեծագույն զրազետ հայ էր և ուղնուծուծով տիրապետում էր ազգային երաժշտությանը, բանահյուսությանը, աշուղական արվեստին: Նրա երազած արժեքն էր, որ ժողովուրդն իր սրտում ընդունի իր երգը»:

Ա. Տեր-Մինասյանը շնորհավորեց Բալյան ընտանիքին և բոլորին Վ. Բալյանի ծննդյան 100-ամյակի առիթով և նշեց. «Վլադիլեն Բալյանը մեծ արժանիքների կրող համեստագույն մարդ էր: Եվ, ինչպես իր վերջին գիրքն է վերնագրել՝ «Նրանք բոլորը եղել են...», ինքն էլ ոչ միայն եղել է, այլև

Ա. Սպենդիարյանի տուն-թանգարան



Վլադիլեն Բալյանի որդին՝ Կարեն Բալյանը



Գյումրիի Ռուսթավելի փողոց 5 հասցեի պուրակն անվանակոչվեց Վլադիլեն Բալյանի պատվին



Գյումրիի թիվ 1 արվեստի դպրոցի դահլիճը անվանվեց Վլադիլեն Բալյանի անունով, դահլիճի բացման պատիվը ստրվեց Գյումրիի համայնքի ղեկավարի առաջին տեղակալ Լուսինե Անուսյանին և Վլադիլեն Բալյանի որդուն՝ Կարեն Բալյանին

Ռ. Սարյան, Թ. Պողոսյան, Ա. Փահլևանյան, Ա. Բուդաղյան, Մ. Օթարյան, Ս. Նավասարդյան

ներքո Վլադիլեն Բալյանի կյանքի օրոք քանիցս մեծարել են երախտավոր հայորդուն, չէր կարող անմասն մնալ նրա մեկդարյա հորեյանին նվիրված միջոցառումներից: Բալյան ընտանիքի նախաձեռնությամբ ծառայողին քաղաքային պանթեոնում կոմպոզիտորի հիշատակին հարգանքի տուրք մատուցելուց հետո նրա ծննդյան օրը նշանավորվեց բալյանական երգերի մոր ձայնասկավառակի շնորհանդեսով՝ Ալեքսանդր Սպենդիարյանի տուն-թանգարանում: Բացման խոսքում տուն-թանգարանի տնօրեն Մարինե Օթարյանը հիշեց. «Երբ ես Բալյանի ծննդյան 90-ամյակի կապակցությամբ դիմեցի նրան՝ հրավիրատուսուն իր կյանքի համար սկզբունքային մի արտահայտություն գրելու խնդրանքով, նա ասաց. «Ամեն ինչին պետք է մոտենալ ստեղծագործաբար»:

Իսկապես, Բալյանն օժտված էր բացառիկ հատկանիշներով, որպես կոմպոզիտոր, և որպես մարդ՝ եզակի շնորհ ուներ միտքը, խոսքը գործի վերածելու: Եվ հենց այս էլ նա ավանդել է մեր թանգարանին, ինչը, կարծում եմ, մեր թանգարանի հաջողության գրավականներից է: Ես պատիվ, առիթ և բախտ եմ ունեցել լսելու նրա իմաստուն

Վ. Բալյան մարդու և գործչի մասին իրենց հուշերը պատմեցին դահլիճում ներկա մտավորականները՝ Երևանի Կոմիտասի անվ. պետական կոնսերվատորիայի պրոֆեսորներ Ալինա Փահլևանյանը, Արմեն Բուդաղյանը, Թովմաս Պողոսյանը, Սվետլանա Նավասարդյանը, արվեստաբան Ռուզան Սարյանը, ճարտարապետ Անուշ Տեր-Մինասյանը:

«Բալյանը ծանր վիճակում կողմնորոշվելու և ճիշտ որոշում կայացնելու տաղանդ ուներ, և նրա գործը պետք է շարունակել», - նշեց Ա. Բուդաղյանը: Ա. Փահլևանյանի խոսքով՝ «Վլադիլեն Բալյանը ազգային երգ-երաժշտությունը, ֆոլկլորը շատ խորը զգացող մասնագետ էր, և զարմանալի չէ, որ նրա արվեստին տալիս են ամենամեծ գնահատականը՝ Բալյանի երգը պոկվել է հեղինակից և դարձել ժողովրդի սրտի երգը»: Մեծագույն երախտագիտությամբ

միշտ մեզ հետ է և կլինի՝ որպես ըստ արժանվույն ապրած մարդու մեծագույն օրինակ»:

Բալյանական շնչով հագեցած այս երեկոն ազդարարեց Վլադիլեն Բալյանի ծննդյան 100-ամյակի հորեյանական միջոցառումների սկիզբը, որոնք կշարունակվեն թե՛ Ա. Սպենդիարյանի տուն-թանգարանում, թե՛ Երևանում ու Գյումրիում և թե՛, հուսանք, հանրապետության մյուս քաղաքներում:

ՍԻՐԱՐՓԻ ԵՆԳԻՐԱՐՅԱՆ

Ա. Սպենդիարյանի տուն-թանգարանի գիտաշխատող
https://www.aravot.am/2024/04/26/1415175/?fbclid=IwZXh0bgNhZWQCMTEAAR1eX0iz_8H4MgZb2XSfHFIULaE-KL00Y8h1Q

Երաժշտագիտության երախտավորը

Լրացավ ականավոր երաժշտագետ-տեսաբան, Երևանի Կոմիտասի անվ. պետական կոնսերվատորիայի պրոֆեսոր, Հայաստանի կոմպոզիտորների միության անդամ, արվեստագիտության թեկնածու և Հայաստանի վաստակավոր ուսուցիչ Շուշանիկ (Սուսաննա) Բաբկենի Ամատունու ծննդյան (28.02.1924-20.04.2010) 100-ամյա հոբելյանը: Սուսաննա (այսուհետ կոնսերվատորիայում ճանաչված այդ անունով կշարունակվի հոդվածը. - **խմբ.**) Ամատունին ծնվել է Երևանում և դեռևս մանուկ հասակում ընտանիքը տեղափոխվել է Լենինական (այժմ Գյումրի): Թվում էր, թե Լենինականի երաժշտական դպրոցի ընդունակ սանի անհոգ մանկությունը ոչինչ չէր կարող խաթարել: Սակայն, 1937 թ. դառնաշունչ քամիները չխնայեցին նաև Ամատունիների համերաշխ ընտանիքը՝ հիմնավորապես խաթարելով 13-ամյա Շուշանիկի երջանիկ մանկությունը: 1937 թ. ծերբակալեցին Շուշանիկի հորը՝ հայտնի պետական գործիչ, ՀԽՍՀ կենտգործկոմի անդամ, Հայաստանի երկաթգծի փաստացի նախարար Բաբկեն Ամատունուն (1898-1938 թթ.): Դեռահաս աղջնակին վիճակված էր կրել «ժողովրդի թշնամու» զավակի ծանր խարանդ: Սակայն, շնորհիվ իր բարձր կամային հատկությունների և իմաստուն մայրիկի՝ Կարսի գիմնազիայի շրջանավարտ, ռուսաց լեզվի և գրականության ուսուցչուհի Ելիզավետա Ավետիսյան-Ամատունու հերոսական ջանքերի՝ պարմանուհին 2 եղբայրների և մանկահասակ քրոջ հետ միասին պատվով դուրս է գալիս բոլոր փորձություններից, և 1945 թ. նրան հաջողվեց գերազանցությամբ ավարտել Լենինականի Կարա-Մուրզայի անվ. երաժշտական ուսումնարանը և Լենինականի մանկավարժական ինստիտուտի երկամյա մաթեմատիկական ֆակուլտետը՝ ստանալով միանգամից 2 դիպլոմ: Ս. Ամատունու անցած դժվարագույն ուղու մասին շատ դիպուկ է արտահայտվել ամենայն հայոց բանաստեղծուհի Սիլվա Կապուտիկյանը մի առիթով, երբ 2003 թ. հուլիսին «Երկխոսություն իմ և իմ միջև» պոեմի գիրքը նվիրել է Սուսաննա Բաբկենի Ամատունուն հետևյալ գրառմամբ. «Հարգելի Սուսաննա Ամատունու, այս գրքում նկարագրված դաժան փորձություններն անձամբ ճաշակած տոկուն կնոջը»:

1945 թ. Ս. Ամատունին մեկնում է Մոսկվա և հեշտությամբ ընդունվում այն ժամանակվա ԽՍՀՄ ամենահեղինակավոր երաժշտագիտական բուհերից մեկի՝ Գնեսինների անվ. երաժշտական մանկավարժական ինստիտուտի պատմատեսական ֆակուլտետ, ուր աշակերտում է երաժշտության տեսության այնպիսի ռաիվիրանների, ինչպիսիք



Շուշանիկ
Բաբկենի
Ամատունի

են Լ. Մազելը, Ս. Սկրեբկովը, Վ. Կոնենը (ի դեպ պաշտպանելով իր ուսուցչուհուն՝ բռնադատված, այսպես ասած «ֆորմալիզմի» ժամանակաշրջանում Վալենտինա Ժոզեֆի Կոնենին Ս. Ամատունին զրկանքներ է կրել. - մանրամասն տես՝ «Երաժշտական Հայաստան» միջազգային գիտական ամսագրի 1 (2) 2000 թ., էջ 6-7 և շարունակելի՝ 1 (3) 2001 թ., էջ 7-9 Ս. Բ. Ամատունու «Հուշեր ուսուցչուհուս մասին» հոդվածը ռուսերեն լեզվով. - **խմբ.**) և այլք: Երևան վերադառնալուց հետո Ս. Ամատունին մի կարճ ժամանակահատված դասավանդում է Երևանի պարավեստի ուսումնարանում, 1953-1970 թթ.՝ Երևանի Չայկովսկու անվ. մասնագիտական երաժշտական դպրոցում, իսկ 1965-ից մինչև իր կյանքի վերջին ամիսները՝ Երևանի պետական կոնսերվատորիայում՝ սկզբից որպես ավագ դասախոս և դոցենտ, իսկ 1997-ից՝ պրոֆեսոր դասավանդելով տարաբնույթ տեսական առարկաներ՝ երաժշտության պատմություն, տեսական առարկաների դասավանդման մեթոդիկա, երաժշտագիտության տեսություն և թերևս ամենաբարդ ու խրթին դասընթացներից մեկը՝ երաժշտական ստեղծագործությունների վերլուծություն՝ հատուկ նախատեսված տեսաբան-երաժշտագետների և կոմպոզիտորների համար: Պրոֆեսոր Ս. Բ. Ամատունին, լինելով իր մեծն ուսուցիչ

Լ. Մազելի դպրոցի ներկայացուցիչը, հաջողությամբ համատեղում էր իր մանկավարժական գործունեությունը գիտական գործունեության հետ: Նա հեղինակ է 2 գիտական մենագրության, երաժշտական գրականության երաժշտական դպրոցների 2 դասագրքերի (6-րդ և 7-րդ դասարանների, վերահրատարակվել են 2008 թ.) և մոտ 50 գիտական հոդվածների՝ նվիրված Կոմիտասի, Ալեքսանդր Սպենդիարյանի, Արամ Խաչատուրյանի, Ալեքսանդր Հարությունյանի, Անուշավան Տեր-Ղևոնդյանի, Գեղուհի Չթյանի և նամանավանդ Առնո Բաբաջանյանի գործիքային և էստրադային ստեղծագործությունների ոճաբանական առանձնահատկություններին: Առնո Բաբաջանյանի գործիքային ստեղծագործություններին նվիրված մենագրությունը, որը լույս է տեսել 1985 թ. ռուսերեն լեզվով, առ այսօր համարվում է մեծ կոմպոզիտորի գործունեությանը նվիրված միակ վերլուծական (տեսական և ոչ կենսագրական-պատմական) բնույթի գիտական աշխատությունը և ժամանակին շատ բարձր գնահատականի է արժանացել ռուսաստանցի հայտնի երաժշտագետներ՝ Վ. Ժ. Կոնենի, Գ. Գրիգորյանի, Յ. Մասլովսկայի, Ֆ. Արզամանովի, Ս. Տեր-Օզանովի, ինչպես նաև Առնո Բաբաջանյանի մերձավոր ընկերներ՝ հանրաճանաչ կոմպոզիտորներ Էդուարդ Միրզոյանի, Ալեքսանդր Հարությունյանի և այլոց կողմից: Իր երկարատև մանկավարժական գործունեության ընթացքում Ս. Ամատունին կրթել է երաժիշտ-երաժշտագետների մի քանի սերունդ՝ այդ թվում ականավոր երաժիշտներ՝ Էդուարդ Թադևոսյան, Ռուբեն Սիարոնյան, Սուրեն Հախնազարյան, երաժշտագետ-պրոֆեսորներ՝ Կարինե Ջաղացյանյան, Սվետլանա Սարգսյան, Ջարուհի Տեր-Ղազարյան, Աննա Արևշատյան, Գոհար Շագոյան, Աննա Ասատրյան, կոմպոզիտորներ Երվանդ Երկանյան, Գրիգոր Դանիելյան (Դանիել Երաժիշտ) և այլն: Ամատունու երաժշտագիտական հարուստ ժառանգությունը բազմիցս վերլուծվել և բարձր գնահատականի է արժանացել Երևանի կոնսերվատորիայի արվեստագիտության դոկտոր, պրոֆեսոր Սվետլանա Սարգսյանի, երաժշտագետներ Գոհար Շագոյանի Ռուզաննա Բեկ-Մարմարչեվայի և այլոց կողմից: Սուսաննա Ամատունուն իր բազմաթիվ աշակերտները մինչև օրս հիշում են որպես հայրենասեր, վեհամեծ, բարի, համեստ, սկզբունքային և աշխատասեր անձնավորության:

ՄԱՐԻԱՄ ՂԱԶԱՐՅԱՆ
<https://www.aravot.am/2024/02/28/1402759/>

ԱՊՐԻԼԻ 24-ԻՆ ԼՐԱՑԱԿ ԸԿՅՈՑ ՑԵՂԱՍՊԱԼՆՈՒԹՅԱՆ 109-ՐԴ ՏԱՐԵԼԻՑԸ



3

«Նարեկացի» արվեստի միությունում կայացավ «Ոգեկոչում արվեստի շնչով» ամենամյա միջոցառումը, որը նվիրված է Հայոց ցեղասպանության սուրբ նահատակների հիշատակին:

Միջոցառումն աղոթքով մեկնարկեց Արարատյան Հայրապետական թեմի Սուրբ Երրորդություն եկեղեցու խորհրդրդակատար Տ. Վարդան քահանա Հայրապետյանը:

Միջոցառման ընթացքում հոգևոր երգերի կատարումնե-րով հանդես եկան «Գառնի» վոկալ հնգյակը (գեղար-վեստական դեկավար՝ Սոնա Մովսեսյան) և միջազգային մրցույթների դափնեկիր «Փարոս» կամերային երգչա-խումբը (գեղարվեստական դեկավար և դիրիժոր՝ Րաֆֆի Միքայելյան, նվագակցող՝ Լիլիթ Թալանջյան):

«Նարեկացի» արվեստի միության հիմնադիր Նարեկ Հարությունյանը նշեց, որ մեր նպատակն է մշակույթով՝ երաժիշտներով, արվեստագետներով, փոխանցել այս սուրբ օրվա պատգամը: Մենք իրավունք չունենք ուրանալ մեր սուրբ նահատակներին և դեմ գնալ Աստծուն: Մեզնից յուրաքանչյուրն ունի իր առաքելությունը և «Նարեկացի» արվեստի միության առաքելությունն է մշակույթով ծառայել բարուն և մնալ հավատարիմ ազգային դիմագծին: ՆԱՍ հիմնադիրն իր խորին շնորհակալությունը հայտնեց բոլորին, որոնք այսօր մեզ հետ են և ծառայում են լույսին՝ Քրիստոսի լույսին, որը շատ կարևոր է վառ պահել և փոխանցել:

«Նարեկացի» ժողովրդական գործիքների նվագախումբը (գեղարվեստական դեկավար՝ ՀՀ վաստակավոր արտիստ Արտեմ Խաչատուր) հանդես եկավ Արցախի ժողովրդական երգերի կատարումներով, մենակատարներ՝ Լուսին Կանես, Աշոտ Դավթյան: Համերգը վարեց ՀՀ վաստակավոր արտիստ, դերասան Սամվել Բաղդասարյանը:

2003 թ. ի վեր, ամեն տարի ապրիլի 24-ին «Նարեկացի» արվեստի միությունն իր արվեստագետ բարեկամների հետ է անցկացնում հիշատակի և ոգեկոչման այդ օրը, որպես աշխարհում Հայոց ցեղասպանության սուրբ նահատակների և նաև ասորիների, հույների նահատակված զոհերի հիշատակը հարգելու և դրա ճանաչման միջոցով այլևս թույլ չտալու նոր ցեղասպանությունների կրկնումը:

Խմբագրական
Ելույթը վերցված է
<https://www.facebook.com/Naregatsi> կայքից



«Նարեկացի» ժողովրդական նվագախմբի նվագախումբը, գեղարվեստական դեկավար՝
ՀՀ վաստակավոր արտիստ Արտեմ Խաչատուր

ԵՊԿ ՀՐԱՏԱՐԱԿՉՈՒԹՅՈՒՆԸ ՇՆՈՐՀԱԿՈՐՈՒՄ Է
ԵՊԿ ՊՐՈՖԵՍՈՐ ՍԿԵՏԼԱՆԱ ՍԱՐԳՍՅԱՆԻՆ ՀՈՐԵԼՅԱՆԻ՝
ԿՈՆՍԵՐՎԱՏՈՐԻԱՅՈՒՄ 50 ՏԱՐԻ ԴԱՍԱԿԱՆԴԵԼՈՒ ՎՈԹԻՎ

Սվետլանա Կոլոյանի Սարգսյանը ծնվել է հունվարի 24-ին, 1945 թվականին, քանի որ հայրը զինվորական սպա էր զինվորական ծառայության մեջ գտնվելով մշտապես ըստ հրամանի տեղափոխվում էր հրահանգվող բնակավայր, ուստի ետպատերազմյան այդ տարին նշանակվել էր Թբիլիսիում (Վրաստան) որտեղ էլ ծնվել է ապագա տաղանդավոր, մեր այսօրվա իրականության մեջ համրահայտ երաժշտագետը: Նա 1964-1969 թթ. ուսանել է Երևանի պետական կոնսերվատորիայի (ԵՊԿ) երաժշտության տեսության բաժնում, ղեկավարն էր՝ պրոֆեսոր, արվեստագիտության թեկնածու Ռ. Ա. Աթայանը: Շարունակում է կրթությունը՝ 1971-1974 թթ. Լենինգրադի պետական կոնսերվատորիայի ասպիրանտուրայում, որտեղ նրա ղեկավարն է դառնում պրոֆեսոր, արվեստագիտության դոկտոր Գեորգի Գրիգորի Տիգրանովը: Այդ թվականներին ամբողջ Անդրկովկասում (այժմ Այսրկովկաս) 2 դոկտոր պրոֆեսորներ էին գործում՝ թե Ռուսաստանի առաջատար բուհերում, և թե Հայաստանում: Նրանք էին համրահայտ ինժեներ մեխանիկ Աշոտ Մոխեսկիչը՝ ծագումով Արցախից՝ պահպանելով իր բարբառը դասավանդում էր Գյուղականագիտություն, և սիրելի բարձրակարգ մասնագետ, ծագումով Անեցի, նաև Լենինգրադում դասավանդող Գեորգի Գրիգորիչ Տիգրանովը, որի մոտ էլ մինչև իր կյանքի վերջին շրջանը՝ 90-ականները, շատերս սովորեցինք երաժշտական քննադատություն միաժամանակ հռետորաբանություն և առավել ևս տարբեր սերունդների բազում երաժշտագետներ հնարավորություն ունեցան իրենց կրթությունը շարունակելու նրա օգնությամբ և նրա դասընթացում բարձրագույն գիտական կոչումների արժանանալով: Նրանցից է Սվետլանա Կոլոյանի Սարգսյանը: Նա

1975 թ. արվեստագիտության թեկնածուի կոչումն ստացավ, Լենինգրադի պետական կոնսերվատորիայում պաշտպանելով թեզը՝ «Հայ երաժշտության XX դարի 60-ական թվականների զարգացման առանձնահատկությունները» թեմայով:

Ս. Կ. Սարգսյանը 1978, 1988 թթ. Մոսկվայի Չայկովսկու անվան պետական կոնսերվատորիայում ստացել է Որակավորման բարձրագույն դասընթացներ: Իսկ 1999 թ. արվեստագիտության դոկտորի կոչմանն է արժանացել նույն կոնսերվատորիայում պաշտպանելով՝ «Հայ երաժշտությունը XX դարի համատեքստում» թեմայով թեզը:

2000 թ. Լվովի երաժշտական ակադեմիայում (Ուկրաինա) հանդես է եկել դասախոսությամբ: 1992-1997 թթ. «New Musical Initiatives» որպես կազմակերպիչ է հանդիսացել ՀՀ Մշակույթի նախարարության կողմից:

Ելույթներ է ունեցել 1984, 1997, 1998 թվականներին դասախոսություններով հանդես է եկել Սանկտ-Պետերբուրգի, 1988-ին Մոսկվայի կոնսերվատորիաներում, 1986-ին Վիլնյուսի երաժշտական ակադեմիայում (Լիտվա):

1974-ից դասավանդում է ԵՊԿ-ի երաժշտության տեսության ամբիոնում մասնագիտական բաժիններում տեսական դասընթացներ և 1975-ից Հայաստանի կոմպոզիտորների միության (ՀԿՄ) անդամ է:

Մասնակցել է 63 գիտաժողովի. Երևանում (1983, 1986, 1990-2006, 2013-2015 թթ.), Գյումրիում (2008, 2009, 2013-2015 թթ.), Բառնովում (Լեհաստան) (1980 թ.), Բաքվում (1983 թ.), Բռնոյում (1988 թ.), Գլազգոյում (Մեծ Բրիտանիա) (1989), Թբիլիսիում (1989, 1999), Մոսկվայում (1989, 2001, 2006, 2008, 2010, 2011, 2013, 2014, 2016 թթ.), Սանկտ-

Պետերբուրգում (1987, 1990, 1994, 1997, 1998, 2002, 2012 թթ.), Մինսկում (1992 թ.), Նիժնի-Նովոգորոդում (1999 թ.), Վիլնյուսում (2011 թ.): Արժանացել է բազմաթիվ կոչումների՝ 1998 թ. *International Book of Honor* կոչման (*ABI, USA*), 1996 թ.՝ Հայաստանի կոմպոզիտորների միության մրցանակի, 1994-1995 թթ.՝ Տարվա միջազգային կին կոչմանը (Միջազգային կենսագրական կենտրոն, Անգլիա), 2009-ին ՀՀ Մշակույթի վաստակավոր գործչի կոչման, 2011 թ. ստացել է Հայկական Համաշխարհային Կոնգրեսի մրցանակ (Ռուսաստան), 2013-ին Լեհական մշակույթի վաստակավոր գործչի կոչման (Լեհաստան), 2015 թ. գիտության ոլորտում վաստակի համար պարգևատրվել է ՀՀ Գիտության պետական կոմիտեի «Ոսկե մեդալ»-ով, 2004 թվականից Մոսկվայի Միջազգային երաժշտական միության անդամ է: 2003-ից «Երաժշտական Հայաստան» գիտական միջազգային ամսագրի, ԵՊԿ և ՀԿՄ գիտական հոդվածների ժողովածուների և 2017-ից՝ «Հայ կոմպոզիտոր» հրապարակախոսական ամսագրի, ինչպես նաև Կիևի «Украинское музыковедение» և Կիևի Ի. Զայկովսկու անվ. երաժշտության ազգային ակադեմիայի «Научный вестник» գիտական ամսագրերի խմբագրական խորհուրդների անդամ է:

ԳՐԱՐ ԸԱԳՈՅԱՆ

Երաժշտագետ, «ԵՊԿ հրատարակչության» հրատարակիչ

«Եվ անկայրյայ ի քն հուսամ, Հայասա՛ն».
Աննա Մայիլյանի դասարանը Ներկայանում է Հայրենիքին Նվիրումներով

ՀՀ վաստակավոր արտիստ Աննա Մայիլյանի և իր սաների՝ օրերս կայացած համերգին կատարվեցին բացառապես հայրենասիրական երգեր՝ ճաշակով ընտրված, տրամաբանական զարգացմամբ, Հայաստանին ու հայոց ոգուն նվիրումներով՝ այնքա՛ն կարևոր այսօրվա, վաղվա, բոլոր ժամանակների համար... Հատուկ այս համերգի համար արված գործիքավորումների հեղինակներն էին՝ Երվանդ Երկանյանը, Սեդրակ Երկանյանը, Կարեն Անանյանը և Ռուբեն Ասատրյանը:

«Հայրենիքիս» խորագիրն ուներ Աննա Մայիլյանի և իր սաների համերգը: Նրանում դաշնակահար Էլեն Կիրակոսյանի նվագակցությամբ հնչեցին Տ. Չուխաճյանի, Կոմիտասի, Է. Միրզոյանի, Ա. Հարությունյանի, Է. Աբրահամյանի, Է. Յուզիանիսյանի, Գ. Զքյանի, Վ. Մանուկյանի, Կ. Պետրոսյանի, Վ. Բալյանի, Հ. Գրիգորյանի երգերը՝ բացառապես Հայրենիքի սիրուն, հայոց պատմության հերոսական էջերին, մայրենի լեզվին, հայրենի բնությանն ընծայումներ, բանաստեղծական անկեղծ, սրտամուկ տողերի, աղոթքների վրա հյուսված մեղեդիներ, որոնք, ասես, բխում էին հանդիսականների սրտերից, ասես, նոր էին գրում և առաջին անգամ հնչում, թեև շատերը համրահայտ են, բազմիցս՝ երգված և սիրված՝ մի քանի սերունդների կողմից...

«Է՛, ջան-հայրենիք, ինչքա՛ն սիրուն ես,
Սարերդդ կրթած երկնի մովի մեջ.
Ջրերդդ անու՛շ, հովերդդ անու՛շ,
Մենակ բալերդդ արուն ծովի մեջ...»:

Ա. Իսահակյանի խոսքերով Է. Աբրահամյանի երգը, որ հայկական լեռնաշխարհի բնության սքանչելիության պատկերի կողքին ավելի է ընդգծում հայոց ազգի տառապալից ընթացքը, առանձին հույզով է հնչում մեր օրերում, քանի որ երգի բառերը գրելուց համարյա հարյուր տարի անց դարձյալ հայի կյանքի իրական պատկերի նկարագրությունն է: Նույնը՝ Հ. Թումանյանի «Հայոց վիշտը» եղանակավորած է. Հովհաննիսյանի կողմից.

«Հայոց վիշտը՝
Անհուն մի ծով,
Խավար մի ծով ահագին,
Են սև ծովում տառապելով,
Լող է տալիս իմ հոգին»:

Բայց միայն վշտի մասին չէին համերգային երեկոյին հնչած երգերը. Մ. Պեշկոպաշյանի, Հ. Հովհաննիսյանի, Գ. Դողդոյանի, Գ. Էմինի, Ն. Մեզպուրյանի, Ս. Ֆելեկյանի, Ա. Վշտունու, Գ. Բորյանի, Ա. Գրաշու, Հ. Հովեյանի, Ներսես



Աննա Մայիլյան, «Տաղարան» ամսամթիվ, ղեկավար: Սեդրակ Երկանյան



ԵՊԿ ուսանողներ և շրջանավարտներ

Արք. Պողոսյանի, այլոց բանաստեղծությունների հիման վրա գրված երգերը լույս ապագայի և հաղթության հանդեպ հավատի, պանդխտությունից հայրենի տուն հետվերադարձի ըզմանքի, Հայրենիքի զինյալների կորույթի և քաջության մասին էին:

Համերգային երեկոյի երկրորդ բաժնում, որ անցավ Հնագույն երաժշտության «Տաղարան» ամսամթիվ նվագակցությամբ, Աննա Մայիլյանը դարձյալ ներկայացրեց հայրենիքին նվիրումների չխամրող փայլը. Հայաստանին և հայ զինվորյալներին ծոներ, աղոթակիր մրմունջներ՝ սկայալ կոմիտասյան «Հայաստան» հիմներգից, Ա. Դուրխանյանի անուշահունչ «Ծիծեռնակից» մինչև Ա. Տերտերյանի «Հայրենիք» վոկալ-սիմֆոնիկ շարք և Ե. Երկանյանի «Իրիկնային ողորանջ», Վ. Սրվանձտյանի «Պճինկոն» և Կ. Անանյանի «Զինվորի երգը»:

Մեներգերով, զուգերգով, եռյակ, վեցյակ, յոթնյակ կազմերով հանդես եկան Երևանի Կոմիտասի անվ. կոնսերվատորիայի ուսանողներ և շրջանավարտներ Լուիզա Երեմյանը, Անահիտ Գաբրիելյանը, Նարեկ Առուշանյանը, Մարիա Դավթյանը, Քրիստինա Գրիգորյանը, Սիլենա Բեզարյանը, Գայանե Բաղդասարյանը, Մարգարիտա Օթրոյանը, Լիանա Սիմոնյանը, Աննա Գաբրիելյանը: Իր սաների հետ և մեներգերով բեմ ելավ նաև Աննա Մայիլյանը, որի կազմած ծրագիրը խոսում է իր քաղաքացիական դիրքորոշման, նաև հայրենամովիրության ոգով իրեն վստահված և իրեն վստահող սաներին դաստիարակություն տալու մասին: Երդմնակալության պես հերթական անգամ բեմից հնչեց Կոմիտասի «Հայաստան»-ը.

«Ի վեհ անուն սիրտ իմ, ո՛հ հույժ
Ոգևորի ի նոր խրախույս,
Եվ անծկարյաց ի քեզ հուսամ,
Ի քեզ՝ ի քեզ հույս իմ միայն,
Հայաստան, Հայաստան, Հայաստան»:

«Ականատես եմ հայրենիքի և մեր արվեստի հանդեպ քո նվիրվածությանը: Է. Միրզոյանը վաղուց է ինձ պատմել քո ազգը դարեդար շնորհակալությամբ է վերաբերվել բոլոր նրանց, ովքեր գիտեն, որ հայրենիքը երազանք չէ, այլ սերնդեսերունդ հավաքված բոլոր տաղանդների հանրա-

գումար», - այս խոսքերով է այս համերգի առիթով Ա. Մայիլյանին դիմել Ֆրանսայում ապրող և ստեղծագործող համրահայտ դաշնակահար և դիրիժոր Ալեքսանդր Սիրանոսյանը: «Մշակույթը սերունդները կապող կարևոր կամուրջ է, որ պետք է պահպանել,- սա Ա. Մայիլյանի գրավոր մտորումն է համերգից հետո: - Հետաքրքիր է, որ բեմում գտնվելով՝ մտքով գնում էի դեպի անցյալ: Կարծես զգում էի իմ բոլոր սիրելի մարդկանց ներկայությունը, որոնք արդեն չկան կամ օտար երկրներում են: Զգացումները տարբեր էին, բայց մի զգացումը կար, որ ինձ և իմ ուսանողներին, նաև նվագախմբին դուրս էր հանում համերգային տրամադրությունից: Դա վիրավոր Հայրենիքի հանդեպ մեծ սերն է և պայքարը, որ մեր հոգում է»:

Չնայած համերգային ծրագրի բավական ծանրաբեռնվածությանը, հանդիսականը չձանձրացավ, չհոգնեց՝ շնորհիվ դրա՝ յուրօրինակ ներկայացում հիշեցնող կառույցի, սահուն և անընդմեջ ընթացքի: Եվ մի հանգամանք, որի մասին հատուկ կուզեի խոսել: Բացահայտորեն երևում էր բանաստեղծական խոսքի համրեպ հարգալից, նրբանկատ վերաբերմունքը: Ոչ մի բառ, ոչ մի արտահայտություն անհասկանալի չէր. բոլոր կատարողների երգեցողությունը կզնահատեի՝ իբրև բանաստեղծությունների երգեցիկ ընթերցումներ, և սրանով էր նաև պայմանավորված հանդիսականի վրա ազդեցության մեծ ուժը: Դա Աննա Մայիլյանի ուսուցման շնորհիվ է, իր «դպրոցի» ճանաչելի կնիքը: Ունկնդրին ներկայանալ ոչ միայն ձայնի որակների ցուցադրությամբ և երգչական հմտությամբ, այլ նաև տեղ հասցնել խոսքերի հեղինակների միտքը, հույզն ու ապրումը:

Այս համերգն ինքնուրույն դաստիարակության մի կառուցիկ արար էր՝ ուղղված մերօրյա ունկնդրին, և հավաստում, որ անկախ բոլոր վայրիվերումներից, աշխարհաքաղաքական ցնցումներից, համրային կյանքը կազմակերպելու կասկածելի վերածակերպումներից, «Հայրենիք» հասկացությունն անդրծելի է, հանուն նրա անձնուրացությունը՝ հերոսություն, ոգեղենությունը նույնքան կարևոր, որքան հացը մեր համապագայի...

ՀԱՍՄԻԿ ՍԱՐԳՍՅԱՆ
Գրող, լրագրող

ԱՐՈՎՅԱՆԱԳԻՏԱԿԱՆ ԳԻՏԱԺՈՂՈՎ ԵՊԿ-ՈՒՄ



Ծովինար Մովսիսյան



Լիլիթ Եփրեմյան, Արշալույս Գալստյան, Արևիկ Ստամբուլյան



ԵՊԿ դասախոսներ, գիտաժողովի մասնակիցներ

Ապրիլի 16-ին Երևանի Կոմիտասի անվ. պետական կոնսերվատորիայում տեղի ունեցավ «Խաչատուր Աբովյանի գործունեության երաժշտական ուրվագիծը» խորագրով համատեղ արվեստագիտական գիտաժողովը:

Բացման խոսքով հանդես եկավ ԵՊԿ պրոռեկտոր Ծովինար Մովսիսյանը: Ողջույնի խոսք ասացին Խ. Աբովյանի տուն-թանգարանի տնօրենի պարտականությունները կատարող Արևիկ Ստամբուլյանը, ԵՊՀ Հայ բանասիրության ֆակուլտետի դեկան Արշալույս Գալստյանը և ԵՊԿ

Կատարողական արվեստի պատմության և տեսության ամբիոնի վարիչ Լիլիթ Եփրեմյանը:

Առաջին անգամ արվեստագիտության և գրականագիտության պատմության մեջ Աբովյանի երաժշտական գործունեությունը առանձին ձևաչափով ներկայացվեց մասնագիտական տեսանկյունից, ինչը մեծագույն ձեռքբերում է հայ երաժշտագիտության և գրականագիտության համար:

Գիտաժողովի զեկուցումները կտպագրվեն առանձին գրքով:

Նշենք նաև, որ «Խաչատուր Աբովյանի գործունեության երաժշտական ուրվագիծը» գիտաժողովի շրջանակներում, Խաչատուր Աբովյանի տուն-թանգարանի, Երևանի Կոմիտասի անվ. պետական կոնսերվատորիայի և Հայաստանի պետական ֆիլիարմոնիայի համագործակցությամբ, ապրիլի 28-ին, Խաչատուր Աբովյանի տուն-թանգարանի տարածքում տեղի ունեցավ «Գտնի Աբովյանին» համերգային նախագիծ՝ բացօթյա համերգ-համերգային:

Խմբագրական

Երեք համերգ՝ պոլսահայ հանրության համար

1 Փետրվարի վերջին մեկ-երկու օրերի տարբերությամբ Ստամբուլում կայացած երեք համերգները պոլսահայ երաժշտասեր հանրությունը գնահատեց՝ որպես նշանակալից և հիշատակելի: Պոլսահայ երգիչ (բարիտոն) Արթուր Պաղտասարյանի հետ համերգային տարբեր ծրագրերով հանդես եկան Հայաստանից ժամանած դաշնակահար, Երևանի Կոմիտասի անվան պետական կոնսերվատորիայի պրոֆեսոր Մարգարիտ Սարգսյանը և Ա. Սպենդիարյանի անվան օպերայի և բալետի թատրոնի մեներգչուհի Դիանա Հարությունյանը: Արթուր Պաղտասարյանը երաժշտական բարձրագույն կրթություն է ստացել Երևանի Կոմիտասի անվ. պետական կոնսերվատորիայում՝ հայտնի երգիչ (բաս-բարիտոն) Վալերի Հարու-

Յ. Այնթափյանի երգերը: Դրանց առաջին կատարումները մինչև այդ կայացել էին Երևանում, միայն մեկ երգն էր, որ այստեղ հնչեց առաջին անգամ. «Ես քեզի կուգամ»-ը՝ հեղինակի նվագակցությամբ Ա. Պաղտասարյանի մեկնաբանմամբ: Հայտագրի հաջորդ բաժնում ընդգրկված էին գործեր, որոնք ոչ պատահաբար առնչվում էին նույնժամ նշվող մայրենի լեզվի համաշխարհային օրվա պատգամին: Եզրափակման իր սրտի խոսքն ասաց Ա. Պաղտասարյանը, որն այդ ձեռնարկի գլխավոր կազմակերպիչն էր:

Մեկ օր անց Պոլսո Պատրիարքական աթոռի, Հայ առաքելական և կաթոլիկ համայնքների զանազան կառույցների աջակցությամբ Պեյոլուի Ս. Երրորդություն եկեղեցու «Նարեկյան» սրահում անցավ երկրորդ համերգը: Հնչեցին

հիանալի կերպով յարմարցնելով «ռոմանսներու» շունչին՝ կը տպաւորէր մեզ: Արթուր Պաղտասարեանը, որուն երգեցողութիւնը պարբերաբար կ'ունկնդրենք զանազան առիթներով, այս անգամ ալ իր կատարելագործուած մեկնաբանութեամբ, երկարաճառ բարեկամներու հետ բեմը բաժնելու ուրախութիւնը կ'ապրէր և այդ ուրախութենէն ծնունդ առած արուեստէն լիովին բաժին կը համէր ներկայներուն: Գալով Փրոֆ. Մարգարիտ Սարգսեանի, ան իր ուժեղ մատչելիութեամբ փաստեց իր բարձր մասնագետի հմտութիւնն ու վարպետութիւնը:

Զգացուած էինք: Համերգը կարծես մէկ շունչով մատուցուած էր, և երգերու պատահիկները դեռ պար բռնած էին



Մարգարիտ Սարգսյան, Դիանա Հարությունյան, Արթուր Պաղտասարյան, Վահագն Զաքարյան



Ստամբուլի հայկական համայնքի ներկայացուցիչներ, հոգևորականներ, համերգի մասնակիցներ

թյունյանի դասարանում: Արթուր Պաղտասարյանը տարիներ առաջ մենահամերգով հանդես է եկել Երևանում, հայտնի է Ստամբուլում եկեղեցական արարողությունների ընթացքում և այլուր իր հոգևոր և աշխարհիկ երգերի կատարումներով: ԵՊԿ պրոֆեսոր, երգահան Մարգարիտ Սարգսյանի հետ իր ստեղծագործական համագործակցությունը երկար պատմություն ունի: Նրանց և Դիանա Հարությունյանի մասնակցությամբ՝ իրարից զանազան ծրագրերով բեմերը տեղում բնութագրվեցին իբրև «մակարդակավոր և բացառիկ երևույթներ»: Մինչև համերգային եռաշաբթի մեկնարկը երաժիշտների եռյակին հյուրընկալեց Սահակ Բ. Պատրիարքը՝ հույս հայտնելով, որ «համերգները պիտի գան մաս կազմելու քաղաքիս մշակույթի ձեռնարկներուն, ի վայելումն մեր մշակութասեր ժողովուրդին»:

«Հայկական երաժշտության գիշեր», «Գեղարվեստական գիշեր» և «Արևմուտքից դեպի արևելք» երաժշտական կամուրջ՝ կարգախոսներով համերգները, ինչպես արձանագրել է տեղի «Նոր Մարմարա» պարբերականը, «ծառայեցին իրենց նպատակներին»: Առաջին համերգը կայացավ փետրվարի 21-ին Ֆերիդուհի Ս. Վարդանանց եկեղեցու «Շիրինօղլու» սրահում՝ ի նշանավորում ծնունդով հալեպահայ, բժշկական գիտությունների դոկտոր, պրոֆեսոր, գրող, հրապարակախոս Հակոբ Այնթափյանի ծննդյան 85-ամյակին:

Համերգային երեկոյի առաջին բաժնում կատարվեցին Մարգարիտ Սարգսյանի երաժշտությամբ և խոսքերն ըստ՝

Նիկոլ Գալանդերեանի ռոմանսները, որոնք մշակել և դաշնամուրային նվագակցությամբ փոխադրել է Մարգարիտ Սարգսյանը: Ըստ էության, հենց նրա մշակումների և հետևողականության շնորհիվ է Ն. Գալանդերեանի թողած հարուստ և արժեքավոր ժառանգությունը մեր օրերում նոր «կյանք» առել: Վերջին հինգ-վեց տարիներին Երևանում կայացած՝ գալանդերեանական երեկոների տրամաբանական շարունակությունն էր այս համերգը, որի երկրորդ բաժնում կատարվեցին նաև Կոմիտասի, Բարսեղ Կանաչյանի, Տիգրան Չուխաճյանի, Ալեքսանդր Սպենդիարյանի, Վարդ Մանուկյանի ստեղծագործությունները: «Նոր Մարմարա» թերթը հաջորդ օրն այսպես արձագանքեց. «Տիանա Յարութինեան ու Արթուր Պաղտասարեան երբեմն զուգորդելով, երբեմն ալ առանձին բեմ ելան մեկնաբանելու համար բնարական բնույթով այդ յօրինումները, որոնք մեր ականջը շոյեցին որպէս կատարում ու երաժշտական գործ: Կասկած չուրս է, որ տարիներու բարեկամութիւնն ու համագործակցութիւնը անկաշկանդ երգելու և նուագելու դաշտը բացած է երեք արուեստագէտներու համար: Կատարաբար այդ է պատճառը, որ երէկ գիշեր Փրոֆ. Սարգսեանի մասնագիտական նուագակցութիւնը կը ձուլուէր երգերուն հետ և մեղեդի-կշռոյթ-ներդաշնակութիւնն եռանկիւնն առատաժողով երաժշտականութեամբ կը հասնէր մեր ականջներուն:

Երգիչները բացառիկ փրոֆեսիոնալութեամբ կը մեկնաբանէին երգերը՝ գեղեցիկ ամբողջութեան մը մէջ: Տիանա Յարութինեան շա՛տ կը վայելէր բեմին, եւ իր հզօր ձայնը

մեր սրտին մէջ: Յատկապէս «Մոռացել ես»-ի, «Վարդեր ունեն»-ի, «Արդեօք ո՞ր ես»-ի, «Շուշան աղջիկ»-ի, «Դու նորից եկել ես»-ի, «Հաբրեան»ի, «Ամոր»-ի, «Հայաստան աշխարհ»-ի, «Այ վարդ»-ի, «Գարուն»-ի կատարումները յայտագրի զագաթնային պահերն էին»:

Համերգաշարի երրորդ՝ եզրափակիչ փուլը կայացավ Ստամբուլի Ֆիլիարմոնիկ միության հովանու ներքո: Այս անգամ հայտագրում ներառված էին արիաներ՝ համաշխարհային համբավ ունեցող կոմպոզիտորների ստեղծագործություններից, ինչպես նաև՝ նմուշներ հայ երաժշտարվեստի գանձերից:

«Շատ կարևոր համերգաշար էր, քանզի մեզ հաջողվեց մշակութային հետաքրքրություն արթնացնել պոլսահայ միջավայրում, շարժ մտցնել հայկական համայնքի հոգևոր կյանքում, - իր տպավորությունն է կիսում Մարգարիտ Սարգսյանը, - Մեր ունկնդիրները մեծ ոգևորությամբ և երախտագիտությամբ ընդունեցին մեր ելույթները: Դրանք իրենց համար, հիրավի, մշակութային նշանակալի իրադարձություններ էին: Մեր նպատակն էր հիշեցնելու իրենց հայ լինելը, մեր մշակութային արժեքների ժառանգ լինելը, հայի ոգին արթնացնելը: Գիտակցում եմ նաև, որ շատ ավելի լուրջ խնդիր ունենք մեր սեփական երկրում հայությունը և հայեցին պահպանելու»:

ՀԱՍՏԻԿ ՍԱՐԳՍՅԱՆ
Գրող
<https://azg.am/culture/%d5a5%d680%d5a5%d684-%d5b0%d5a1%d5b4%d5a5%d>

«Նորոգության չրգանք» հայ երաժշտական մշակույթում Աննա Արեւշատյանի ներկայացմամբ

Արվեստագիտության դոկտոր, պրոֆեսոր, ՀՀ արվեստի վաստակավոր գործիչ Աննա Սենի Արեւշատյանի «Կոնս-տանդուկուլոսի հայ երաժիշտ-տեսաբանները. XVIII-XIX դարեր» մենագրությունը լույս է տեսել շուրջ երեք տարի առաջ՝ 2021-ին, սակայն այս երկասիրության մասին լայնորեն արձագանքեցին միայն վերջերս՝ լրատվական հրապարակումներում, սակայն, խիստ համառոտակի խոսելով երկի գոյության մասին: Սրանից երկու-երկուսուկես դար առաջ չորս կայսրությունների պատմական մայրաքաղաքում հայ երաժշտատեսական մտքի զարգացման ընթացքն է հիմնավոր կերպով ուսումնասիրել և ներկայացրել հեղինակը՝ հայ մասնագիտացված երաժշտական պատմության «Նորոգության շրջանի» լայն հանրության համար «կիսափակ դռները» լայնորեն բացելով թե՛ մեղ մասնագիտական շրջանների և թե՛ արվեստասեր ընթերցողի համար:

Ի՞նչ գիտենք մեզանից մեկ - մեկուկես - երկու դար առաջ Պոլսում հայ ազգային մշակույթի ճյուղերի զարգացման, արվեստագետների և արվեստաբանների հրաշալի բույլի, մասնավորապես՝ երաժիշտ-տեսաբանների մի քանի սերունդների մասին, իրենց ժամանակին մեծ համբավ և ճանաչում վաստակած անձանց, որոնք, փաստորեն, մերօրյա հայ երաժշտատեսաբանության հիմքն են դրել: Գրիգոր Գալասաքալյանի, Համբարձում Լիմոնջյանի, Նիկողայոս Թաշճյանի, Եղիա Տնտեսյանի, Արիստակես Հիսարլյանի կյանքն ու գործը մինչ Աննա Արեւշատյանի մենագրության լույսընծայումը ներկայացվել է մեր ժամանակների տեսաբանների առանձին անդրադարձներում: Սակայն վերոնշյալ գործիչների թողած ժառանգության և հայ երաժշտարվեստում ունեցած դերի ամբողջական, համահավաք պատկերն ու գնահատակը տրվել է «Կոնստանդուկուլոսի հայ երաժիշտ-տեսաբանները. XVIII-XIX դարեր» գրքում:

Ինչպե՞ս է հանգել Աննա Արեւշատյանը պոլսահայ երաժշտատեսաբանների գործը ներկայացնելու գաղափարին, ինչո՞ւ է գրավիչ այդ շրջանը երաժշտագետի և գիտնականի համար: Հարցիս պատասխանը գտնում ենք Ա. Արեւշատյանի անցած գիտական ուղուն ծանոթանալով: «Մաշտոց» ժողովածուն որպես հայ միջնադարյան մշակույթի հուշարձան և «Հայ միջնադարյան «ձայնից» մեկնությունները» ատենախոսությունները հեղինակելու, «Հայ միջնադարյան հոգևոր երաժշտության հուշարձանները» թեմատիկ խումբը ղեկավարելու, «Մանրուսում» միջազգային երաժշտագիտական ժողովածուն համահիմնադիրելու և խմբագրելու, «Ձայնեղանակների ուսմունքը միջնադարյան Հայաստանում», «Գրիգոր Մագիստրոսը՝ շարականագիր և գեղագետ», «Ամրի երաժշտական մշակույթը» աշխատությունների և այլ մենագրությունների, մի քանի հարյուր հոդվածների, զեկույցների վրա աշխատելու ընթացքում անդրադարձել է նաև «Նորոգության շրջանի» երաժիշտ - տեսաբաններին: 2013-ին ՀՀ ԳԱԱ արվեստի ինստիտուտի գիտական խորհրդի որոշմամբ լույս է տեսել Աննա Արեւշատյանի «Գրիգոր Գալասաքալյանի երաժշտագիտական ժառանգությունը» մենագրությունը: Խմբագիրը հայրն էր՝ ակադեմիկոս, Մեսրոպ Մաշտոցի անվ. Մատենադարանի երկարամյա տնօրեն Սեն Արեւշատյանը: Գիտական երկը նվիրված է XVIII-XIX դարերում Կոստանդնուպոլսում գործած հայ առաջին երաժշտագետին, որի թողած գիտական ժառանգությունն ամփոփում է հայ միջնադարյան երաժշտական տեսական և գեղագիտական մտքի հարուստ փորձն ու ավանդույթները: Սա սկիզբն էր այս ուղղությամբ հետագա ուսումնասիրությունների, շուտով զարթոնից ռուսերեն է թարգմանում Գր. դպիր Գալասաքալյանի «Գիրք երաժշտական»-ը՝ ծավալուն ներածականով և մանրամասն ծանոթագրություններով: Պատահական չէր նման ուշադրությունն այս աշխատության հանդեպ. այն համեմատական երաժշտագիտության տեսանկյունից դիտվում է՝ որպես Պոլսում դարեր շարունակ համագոյակցող մշակույթների փոխհարաբերություններին վերաբերող արժեքավոր աղբյուր: Եվ ահա այս աշխատասիրությունների վերջնադրյունը դարձավ «Կոստանդնուպոլսի հայ երաժիշտ-տեսաբանները» գիրքը. ստեղծվել է առանձին ընդհանրացնող մի ուսումնասիրություն՝ մեկ-տեղված անդրադառնալով Պոլսում ստեղծագործած երաժիշտների վաստակին և ներդրմանը ոչ միայն ազգային, այլ նաև Օսմանյան կայսրության և Թուրքիայի Հանրապետության երաժշտա-մշակութային տարբեր բնագավառներում, և սա արվել է՝ ելնելով արդի երաժշտագիտության չափանիշներից և պահանջներից ելնելով:

Որպեսզի այս հոգվածի սահմաններում պատկերացում տանք բոլոր այն դեմքերի մասին, ում անունն ու գործը հուշվում է մենագրությունում, յուրաքանչյուրի մասին խոսենք առանձին-առանձին: «Նոր ժամանակի ազգային

երաժշտական գիտական մտքի ակունքներում կանգնած Գրիգոր Գալասաքալյանի, հայկական նոր նոտագրության հեղինակ Համբարձում Լիմոնջյանի, Հայ առաքելական եկեղեցու երաժշտածիսական մատյանների երգասացությունների ծայնագրությունն իրականացնող Նիկողայոս Թաշճյանի և ազգային երաժիշտների կենսագրություններն ի մի բերած Արիստակես քահանա Հիսարլյանի ստեղծագործական գործունեությունն այսօր էլ կարիք ունի ուսումնասիրության և գնահատման», - գրքի առաջաբանում գրում է Ա. Արեւշատյանը: Գրքից իմանում ենք, որ լինելով միջնադարյան երգարվեստի ավանդույթների վերջին կրողը՝ Գալասաքալյանը խորապես գիտակցել է ազգային մասնագիտացված երաժշտարվեստին սպառնացող վտանգները: Առաջնորդվելով անցյալի ժառանգության տեսական և գործնական փորձի պահպանման և փոխանցման կարևորության խորհրդով՝ դա ձգտել է վավերացնել և իմաստավորել իր աշխատություններում: Նա առաջարկել է երաժշտական նշանագրության իր ստեղծած համակարգը, որը թեև չի արմատավորվել, բայց խթան է հանդիսացել Համբարձում Լիմոնջյանի հայկական նոր նոտագրության ստեղծման համար: Երաժշտագետի ժառանգության գնահատականը միանշանակ չի եղել. Ա. Արեւշատյանի կարծիքով, նրա ժառանգության ոչ արդարացի գնահատականը պայմանավորված է եղել աստվածաբանական տարրի զգալի ներկայությամբ, որ որոշ տեսաբանների կողմից ընկալվել է՝ որպես հետադիմական: Այն, XVIII դ. եվրոպական գեղագիտության միտումների համեմատ, դիտվել է իբրև չոր սխոլաստիկա: Պատճառներից մեկն էլ հեղինակի լեզուն է՝ դժվար ընկալելի պաճուճագարդ գրաբարը: Հիմնավոր աստվածաբանական և փիլիսոփայական կրթության, մեծ գիտապաշարի տեր՝ Գալասաքալյանը եղել է միջնադարյան խաղաղությունը նորոգելու նախաձեռնողներից մեկը: Դա նախաձեռնում էր՝ հասկանալով, որ օսմանյան դարավոր տիրապետության մերժել և խլամբական շրջապատում գոյատևող քրիստոնյա ազգերի համար գնալով դժվարանում էր անադարտ պահել սեփական ազգային մշակութային ժառանգությունը: Նա լուսաբանել է հոգևոր երգարվեստի բաժինները՝ սկսած երաժշտության ծագումից, դասակարգումից մինչև խաղաբանություն: Ա. Արեւշատյանը մանրակրկիտ ուսումնասիրությամբ եզրահանգում է, որ Գալասաքալյանի կիրառած նոտագրությունը հայկական խաղերով և բյուզանդական նվագանքով իրագործվող զուգահեռ նշանագրություն է՝ նոր նշանների ներմուծմամբ: Նրա «անձայն խաղ» անվանյալ նշանը մինչև հիմա անհայտ նշանակությամբ է: Անդրադառնալով երաժշտագետի բոլոր աշխատասիրություններին՝ Ա. Արեւշատյանը տալիս է նաև հայազգի և օտարազգի այլ երաժիշտների և տեսաբանների անուններ՝ նրանց խորթ քննելով Գալասաքալյանի տեսական ժառանգության համատեքստում: Ա. Արեւշատյանը ենթադրում է, որ գուցե մոլդավացի իշխան, թուրքական դասական երաժշտության տեսությամբ նվիրված աշխատությունների հեղինակ և արաբական այբուբենի տառերի հիման վրա նոր նոտագրության հիմունքներ ստեղծած նշանավոր գիտնական Դիմիտրի Կանտեմիրի օրինակն ու փորձն են հենց հայ երաժշտագետին հուշել նմանատիպ մի նախաձեռնության գաղափարը: Ա. Արեւշատյանի գնահատմամբ, Գալասաքալյանի աշխատությունները միջնադարյան երաժշտական գիտական և գործնական տեսության հանրագիտաբան են:

1813-1815 թթ. Համբարձում Բաբա Լիմոնջյանը ստեղծել է նոր հայկական նոտագրությունը, որն ընդհուպ մինչև Կոմիտասի հավաքչական աշխատանքը լայն տարածում է ստացել ազգային երաժշտական շրջանակներում: Այն լայնորեն կիրառվել է ոչ միայն հոգևոր, այլ նաև ժողովրդական և քաղաքային երգարվեստի մոուշները ծայնագրելու համար: Հ. Լիմոնջյանն ու իր աշակերտներն են արել շարականների առաջին ծայնագրությունները, այնուհետև՝ եղիա Տնտեսյանի «Շարակնոցի» ծայնագրությունը: Մենագրության հեղինակը կարևոր քայլ է համարում նոր հայկական ծայնագրությունը՝ նկատի առնելով, որ ուշ միջնադարում հոգևոր երաժշտությունը և խաղարվեստը հետզհետե անկում էին ապրում: Առանձնալի ուշագրավ են Լիմոնջյանի կյանքին ու շնորհներին նվիրված պատումները, որոնք վերաշարադրել է Ա. Արեւշատյանն իր գրքի էջերում: Բացարձակ լսողությամբ և հազվագյուտ հիշողությամբ օժտված երաժիշտը մրցակցել է ժամանակի հռչակավոր երաժիշտների՝ Իսիաք Հրեհի և Դեղե Իսմայիլի հետ՝ իրենց կատարումներին իրենց նոտագրելով և անմիջապես հիշողությամբ կատարելով նրանց ստեղծագործությունները: Դրանք առասպելների են նման, բայց հավաստի են և արժանի են մեր օրերում նոր լուսի մերքո գեղագործներ լուսաբանելուն: Լիմոնջյանի գործի շարունակողներն էին

Արիստակես Հովհաննիսյանը, որ լրացրել և ավարտին է հասցրել իր ուսուցչի նորագյուտ նոտագրության համակարգը, Գաբրիել Երանյանը, որի հեղինակած «Հայաստան», «Կիլիկիա», «Արիք, Հայկազունք», «Հայ ապրիլնք, եղբայրք» երգերը մինչ օրս հնչում են մեր բեմերում: Համբարձումյան նոտագրությունը Պոլսի երևելի մշակութային գործիչներից մեկը՝ Արիստակես քահանա Հիսարլյանն անվանել է «իրաշալի գյուտ»:

«Պատմութիւն հայ ծայնագրութեան և կենսագրութիւնք երաժիշտ ազգայնոց» աշխատությունում Ա. Հիսարլյանն արժեքավոր տեղեկություններ է թողել պոլսահայ երաժիշտների մասին: Ընդգծենք, որ նա, Պոլսի XIX դարի եկեղեցական կյանքը գնահատելիս՝ գրել է. «ԺԺ. դարու սկիզբները եկեղեցական դպրութիւնը այնքան բարգաւաճեալ վիճակ էր, որ իրաւամբ կրնան անուանել Դպրութեան Ոսկեդարը»: Միաժամանակ եկեղեցական երգեցողության ոճը թելադրողների ճաշակը քննադատելով՝ զուսպ հանդիմանությամբ իր մտահոգությունն է արտահայտել «շարականաց հոգեգնայլ խաղալիք դարձած» հոգևորականների վերաբերմունքի առնչությամբ, որ քմահաճորեն և անպատշաճ են երգում, առանց նկատի առնելու, որ եկեղեցական երաժշտությունը, ոնց Հիսարլյանն է բնորոշում, «իր պարզությամբ վսեմ է և գեղեցիկ»:


Նույն շրջանում կոմպոզիտոր, երաժշտագետ, մանկավարժ, 1879-ից՝ Էջմիածնի Մայր եկեղեցու դպրապետ Նիկողայոս Թաշճյանը ծայնագրել է եկեղեցական երաժշտածիսական մատյանները: Լիմոնջյանի հայկական նոր նոտագրությամբ շարականների ծայնագրումը և լույսընծայումը աննախադեպ էր և խիստ արժեքավոր: Երաժշտածիսական, երգչական ժողովածուները, մասնավորապես, Շարակնոցը հայ մշակութային զանաարաններ են և առ այսօր ունեն գիտական և գեղարվեստական արժեք:

Ողբերգական էր Եղիա Տնտեսյանի ճակատագիրը: Երաժիշտ-տեսաբան, մանկավարժ, տպագրիչ Տնտեսյանը Պոլսից Հաճն, ապա՝ Երուսաղեմ, Էջմիածին իր անցումներով տեղերում ուսումնասիրել է երգիչ շարականները, խաղաղի ծեռագրերը, մասնագիտացել հայկական և եվրոպական նոտատության ասպարեզում, հիմնել տպարան, հրատարակել Հակոբ Պարոնյանի ստեղծագործությունները: Նա նվիրվել է ազգային հոգևոր երգարվեստը վերածայնագրելու, կարգավորելու գործին՝ միջնադարյան մեր հոգևոր հարստությունը հետագա աղավաղումներից զերծ պահելու համար: Մշտապես զբաղվել է խաղերի վերածանության խնդրով՝ խաղերի ուսումնասիրությունը դնելով լուրջ հիմքի վրա և այդ գործին տալով հետազոտական բնույթ:

1869-1871 թթ. Տնտեսյանի գրառած Շարակնոցը լույս տեսավ շուրջ հիսուն տարի անց՝ 1933 թ.-ին՝ իր որդու՝ Լևոնի ջանքերով: 1880-ին «Նոր երգարան հայոց» ժողովածուն հրատարակելով Մ. Նալբանդյանի «Ազատություն» և ազատախոսական այլ բանաստեղծություններ, այդ թվում՝ ֆրանսիական «Մարսելյեզը»՝ նա դարձել է աբդուլհամիդյան բռնության առաջին զոհերից մեկը: Եղիա Տնտեսյանը բանտարկվել և մահացել է բանտում:

Ա. Արեւշատյանի մենագրության վերջին՝ վեցերորդ գլուխը նվիրված է Կոմիտասի գնահատականներին, որ տվել է պոլսահայ եկեղեցական երաժշտական կյանքին: Թեմայի «կոմիտասական» նման ամփոփումը հավելում, զորացնում է այս աշխատասիրության քննական շեշտադրումները:

ՀԱՍՄԻԿ ՍԱՐԳՍՅԱՆ
Գրող
Լրագրող



Մեկնարկել է «Հայ կոմպոզիտորական արվեստի» 15-րդ փառատոնը

ՀՀ կրթության, գիտության, մշակույթի և սպորտի նախարարության աջակցությամբ Հայաստանի պետական սիմֆոնիկ նվագախումբը Հայաստանի կոմպոզիտորների միության հետ անցկացնում է «Հայ կոմպոզիտորական արվեստի» 15-րդ փառատոնը:

Փառատոնի շրջանակում, մարտի 14-28-ը ներկայացվեցին XX դարի մեծանուն և ժամանակակից կոմպոզիտորների ստեղծագործությունները:

Մարտի 14-ին Հայաստանի պետական սիմֆոնիկ նվագախմբի հետ ելույթ ունեցավ իտալացի թավջութակահար, հեղինակավոր մրցույթների դափնեկիր, այդ թվում՝ Ա. Խաչատրյանի անվ. միջազգային մրցույթի 1-ին մրցանակակիր՝ Էտտոռե Պազանոն: Անվանի թավջութակահարը ներկայացրել է Առնո Բաբաջանյանի Թավջութակի կոնցերտը: Համերգի ընթացքում հնչել են նաև Էդգար Յովհաննիսյանի Պասակալիան «Անտունի» բալետից, որը կոմպոզիտորը նվիրել է Կոմիտասի ծննդյան 100-ամյակին, Վաչե Շարաֆյանի Սյուիտը «Երկրորդ Լուսինը» բալետից՝ 10 մասից: Համերգը ղեկավարել է դիրիժոր Ռուբեն Ղազարյանը:

Մարտի 19-ին կայացած համերգին ելույթ ունեցավ շեփորահար Սելինա Օտտը: Նա ունկնդրին ներկայացրեց Ալեքսանդր Հարությունյանի շեփորի Կոնցերտը, որը շեփորի համար գրված աշխարհում ամենահայտնի ստեղծագործություններից է: Կատարվեցին նաև Ալեքսանդր Հարությունյանի Տոնական մախերգանքը սիմֆոնիկ նվագախմբի համար և Ավետ Տերտերյանի 3-րդ Սիմֆոնիան: Համերգը ղեկավարեց Հայաստանի պետական սիմֆոնիկ նվագախմբի գեղարվեստական ղեկավար և գլխավոր դիրիժոր Սերգեյ Սմբատյանը:

Սմբատյանը:

Փառատոնն ամփոփվեց մարտի 28-ին, «Մարդու ճակատագիրը» խորագրով համերգով. Հայաստանի պետական սիմֆոնիկ նվագախումբը ներկայացրեց Վահագն Վարդանյանի Պրելյուդ, պասակալիա և ֆուգա՝ սիմֆոնիկ նվագախմբի համար, Արամ Սաթյանի «Մակբեթ» սիմֆոնիկ պոեմը, Ջոն Տեր-Թադևոսյանի 2-րդ Սիմֆոնիան «Մարդու ճակատագիրը» (ըստ Միխայիլ Շոլոխովի նույնանուն պատմվածքի), դիրիժոր Ալեքսանդր Յովհաննիսյանի ղեկավարությամբ:

Հայ կոմպոզիտորական արվեստի փառատոնը հայաստանյան մշակութային կյանքի նշանակալի իրադարձություններից է. այն անշեղորեն հետևում է XX դարի և ժամանակակից հայ դասական երաժշտության հանրահռչակման իր առաքելությանը:

Փառատոնի կարևորագույն բաղադրիչներից են հայ կոմպոզիտորների սիմֆոնիկ և կամերային ստեղծագործությունների ծայնագրումը, տեսագրումը, պարտիտուրների և նվագաբաժինների թվայնացումն ու պահպանումը: Փառատոնի գոյության ընթացքում թվայնացվել են ավելի քան 90



Էտտոռե Պազանո. Հայաստանի պետական սիմֆոնիկ նվագախումբ, դիրիժոր Ռուբեն Ղազարյանի ղեկավարությամբ

հայ կոմպոզիտորների շուրջ 100 մեծակտավ ստեղծագործություններ, ծայնագրվել են շուրջ 300 երաժշտական երկեր, իրականացվել են մեծ թվով արձեմներ:

Նյութը վերցված է <https://escs.am/am/news/21226> կայքից

«ԵՐԵՎԱՆՅԱՆ ՀԱՅՏԱՐԱՐՈՒԹՅՈՒՆՆԵՐ»

Միջազգային կապեր

1

✓ Փետրվարի 23-ին Հայաստանի Հանրապետությունում Արաբական Միացյալ Էմիրությունների Դեսպան ղոկտոր Նարինան Ալմուլլան այցելեց Երևանի Կոմիտասի անվ. պետական կոնսերվատորիա:

Հրավերը համակարգում էր ԵՊԿ ղեկավորի խորհրդական Գևորգ Մնացականյանը: Պաշտոնական հանդիպմանը ներկա էին նաև ԵՊԿ Գիտական գծով պրոռեկտոր Օմիկնար Մովսիսյանը և Ուսումնական գծով պրոռեկտոր և Միջազգային հարաբերությունների, հանրային կապերի գծով պրոռեկտորի ժամանակավոր պաշտոնակատար Արամ Յովհաննիսյանը: Զրուցակիցները կարևորեցին երկու երկրների մշակութային հարաբերությունների զարգացման հնարավորությունները, կրթական մոդերնացմանը և համագործակցության հեռանկարները, անդրադարձան շարունակական կրթության կարճաժամկետ նախագծեր կազմակերպելուն:

Ներկայացվեցին Հասմիկ Պապյանի ղեկավարությամբ գործող Օպերային ստուդիայի ներկայիս հաջողությունները, Դուբայի օպերայի թատրոնի հետ հնարավոր փոխգործակցության մի շարք հարցեր:

Հանդիպման երկրորդ հատվածում համերգային կատարումներով հանդես եկան կոնսերվատորիայի ուսանողները՝ հետևյալ ծրագրով՝ Ֆրեդերիկ Շոպեն 3-րդ Սկերցոն, կատարեց՝ Մերի Շարբաթյանը, դաշնամուր, 2-րդ կուրս, ղեկավար՝ պրոֆեսոր Սերգեյ Սարաջյան,

Էդուարդ Աբրահամյան՝ 19-րդ Պրելյուդը, *gis-moll*, կատարեց՝ Թերեզա Մարկոսյանը, դաշնամուր, 3-րդ կուրս, ղեկավար՝ պրոֆեսոր Սերգեյ Քեչեկ,

Գրիգոր Նարեկացի՝ «Սայլն այն իջաներ», կատ.՝ Էրիկ Ալոյանը, ժողովրդական երգեցողություն, ղեկավար՝ պրոֆեսոր Արզաս Ոսկանյան,

Eugene Freisen - Shadow play, մենամուտ թավջութակի համար, կատարեց՝ Մարիա Արիստակեսյանը, թավջութակ, 1-ին կուրս, ղեկավար՝ Արմեն Մեսրոպյան:

Օրակարգը եզրափակվեց Ղ. Սարյանի անվ. Օպերային ստուդիայի համերգասրահում, ԵՊԿ Հայ ավանդական երաժշտության կատարողական արվեստի ամբիոնի նվագախմբի հետ հանդիպմամբ: Ժողովրդական գործիքների նվագախումբը հանդես եկավ Սամվել Երկնափեշյանի ղեկավարությամբ, կատարելով հայկական ազգային պարերի շարան:

Ռեկտոր Սոնա Յովհաննիսյանը ՀՀ-ում Արտակարգ և լիազոր Դեսպան ղոկտոր Նարինան Ալմուլլանին նվիրեց կոնսերվատորիայի ուսանողների կատարումներից բաղկացած երկու ծայնասկավառակ և Գրիգոր Նարեկացու «Մատյան ողբերգության» հայոց մշակութային կոթողը:

✓ Մարտի 7-ին պաշտոնական այցով կոնսերվատորիայում էր Հարավային Կորեայի կրթության միջազգային ինստիտուտի (IMEI) խորհրդի նախագահ, «Sesory» երաժշտական մասնագիտական դպրոցի ներկայացուցիչ, մանկավարժական գիտությունների պատվավոր ղոկտոր՝



Հարավային Կորեայի կրթության միջազգային ինստիտուտի (IMEI) խորհրդի նախագահ, «Sesory» երաժշտական մասնագիտական դպրոցի ներկայացուցիչ, մանկավարժական գիտությունների պատվավոր ղոկտոր՝ Ջո Գյու Յունը գլխավորած պատվիրակությունը ԵՊԿ-ում

Ջո Գյու Յունի գլխավորած պատվիրակությունը:

Հյուրը ներկայացրեց Հարավային Կորեայի վերջին 70 տարվա պատմությունը: Ավերակների ու որբերի երկիրն այսօր դարձել է ծաղկող դրամատիկ, չունենալով ոչ մի բնական ռեսուրս, հենվելով մարդկային կամքի և լավատեսության վրա, առաջնորդվելով ժողովրդի վերածննդի, միասնության, հոգատարության, անձնագոհության գաղափարների վրա՝ Սեքվոյա ծառի նման արմատներով միավորվելով հոգատարության և երազանքի շուրջ:

Ղոկտոր Ջո Գյու Յունը նշեց, որ երիտասարդները կամավորական աշխատանքի ծրագրերով մեկնելով այլ երկրներ և վերադառնալով, միանգամայն փոխվում են: Նրանց համար հստակ է դառնում, որ երջանկությունը՝ ուրիշի համար ապրելն է: Անգամ այսօրվա դժոգորաֆիկ խնդիրները նվիրման պակասից են: «Այն, ինչ մտածում ենք մեր սահմաններում՝ երջանկությունն է: Երջանկությունը մեր անձի սահմաններից դուրս է հնարավոր»:

Ղոկտոր Ջո Գյու Յունը խոսեց ևս մեկ սկզբունքի՝ սեփական երկրի տիրոջ հոգեբանությամբ ապրելու կարևորության մասին: «Նախորդ սերունդը դժվարին պայմաններում էր, բայց նրանք ապրում էին ժպիտը դեմքերին, հավատալով իրենց ուժերին: Պետք է սկսել մեկ մարդուց, որը հետո կդառնա 2, 4, 8 և այլն: «Անհմար է» բառից հարկավոր է մեկընդմիջում հանել ժխտական նախաձեռնություններ, թե որքան հնարավոր անելիք կա: Ամեն երիտասարդ պետք է հավատա, որ ինքը աշխարհում լավագույն երաժիշտը կարող է դառնալ, ով իր կատարումով կքերձացնի մարդկանց սրտերը: Երբ թվում է, որ այլևս ուժ չի մնացել, միշտ պետք է կրկնել, որ մենք կարող ենք: Պետք է խոսել դրա մասին», - եզրափակեց հյուրը և իրավիճակը մասնակցել Հարավային Կորեայի կրթության առաջնորդների ֆո-

րումին, որը կկայանա այս տարվա հուլիս ամսին:

Ռեկտորը շնորհակալություն հայտնեց այցելության համար, ընդգծելով, որ մեր երկիրը շարունակում է աշխատել ու ամրանալ: Վստահ ենք, որ մեր համագործակցությունը արդյունավետ կլինի:

✓ Erasmus+ դասախոսների և ուսանողների շարժունակության ծրագրի շրջանակներում Զագրեբի (խորվաթիա) համալսարան են մեկնել Ղ. Սարյանի անվ. Օպերային ստուդիայի գեղարվեստական ղեկավար, ՀՀ ժողովրդական արտիստ Հասմիկ Պապյանը և նույն ստուդիան ներկայացնող մեներգիչ Արամ Սամիկոնյանը: Վարպետության դասերի կոնցերտմաստերն է Զագրեբի երաժշտական ակադեմիայի պրոֆեսոր, երաժշտագետ Էվա Կիրիսմայեր Բիլիչը: Հայ-խորվաթական ներկա մշակութային կապերում առանձնահատուկ կարևոր է նրա գործունեությունը, ում շնորհիվ օտարազգի ուսանողները կատարում են նաև հայ հեղինակներին:

Հասմիկ Պապյանի վարպետության դասերի երկրորդ օրը ներկայացվեց հայ երաժշտություն, ինչպես օրինակ՝ «Ասուն են ուռին» Արմեն Տիգրանյանի «Անուշ» օպերայից, Լուչանո Բերիոյի «Ժողովրդական երգեր» ցիկլում ընդգրկված «Լուսինն ելավ» և այլն: Պատանի երգիչները մեծ հե-



Հասմիկ Պապյանի վարպետության դասը Զագրեբի համալսարանում

տաքերություն ունեն երգել հայկական ռոմանսներ:

Համերգային առաջին օրը Արամ Սամիկոնյանը և Արուսյակ Ռշտունին ներկայացրեցին հայ կոմպոզիտորական արվեստը, հատկապես տավադրիչ էր Կոմիտասի «Անտունին»: Այդ երեկոյից հետո այսօր Զագրեբի ունկնդիրը հատուկ է սպասելու Ֆրանց Շոբերտի «Չմեռալիս ճանապարհ» ցիկլի կատարմանը:

ԵՊԿ միջազգային համագործակցության համերգային հետգրություն

✓ Զագրեբի «PASIONSKA BAŠTINA 2024» 33-րդ փառատոնի մարտի 12-ին «CELESTE»

9

«ԵՐԵՎԱՆՅԱՆ ՀԱՅՏԱՐԱՐՈՒԹՅՈՒՆՆԵՐ»



«CELESTE» վոկալ անսամբլ, ղեկավար՝ Յաշենկա Օստոյիչ


8 վոկալ անսամբլը ներկայացրեց «Լուսնայան երաժշտություն» խորագրով ծրագիրը: Յ. Ս. Բախի, Ա. Բրուքների, Ջ. Տավեների խմբերգերի հետ միասին հնչել է նաև խորվաթական և հայ հոգևոր երաժշտություն: Անսամբլի հիմնադիր, գեղարվեստական ղեկավարն է Ջագրեբի համալսարանի երաժշտական Ակադեմիայի Արվեստի, մշակույթի և միջհամալսարանական դեպարտամենտի գծով պրոռեկտոր Յաշենկա Օստոյիչը:

Երգչախմբային ակտիվ գործունեություն ծավալող խմբավարը հիմնել է խորվաթական Collegium Pro Arte ընկերությունը: Այն ներառում է ճանաչված և մրցանակակիր Cappella Zinka և Cappella Odak երգչախմբերը:

Հիշեցնենք, որ փառատոնի մեկնարկը նույնպես նվիրված էր հայ երաժշտությանը, այդ օրվա դասախոսությունից ու հայ երաժիշտների մասնակցությամբ համերգից հետո Յաշենկա Օստոյիչը ցանկություն է հայտնել առաջին անգամ ներկայանալ հայ կոմպոզիտորի ստեղծագործությամբ: Երևանի Կոմիտասի անվ. պետական կոնսերվատորիան խմբավարին անմիջապես տրամադրեց Կոմիտասի «Տեր ողորմես»-ն: Ջագրեբում էր ԵՊԿ դասախոս Լիլիթ Մարտիրոսյանը, ում տեքստային ու երաժշտական կատարողական հարցերին վերաբերող հուշումներն ու առկա համագործակցությունը հնարավոր դարձրեցին իրականացնել խորվաթ երաժիշտների մտահղացումը:

Երաժշտական անցուղարձը ԵՊԿ Գյումրիի մասնաճյուղում

✓ Մարտի 1-ին, ԵՊԿ Գյումրիի մասնաճյուղում տեղի ունեցավ հանդիպում հայ անվանի ջութակահար, դիրիժոր, երաժշտագետ, հասարակական գործիչ Դանիել Երաժիշտի հետ: Նա հանդես եկավ դասախոսությամբ, որը կրում էր «Կոմիտասը և հայոց ազգային ինքնությունը» խորագիրը: Բանախոսն անդրադարձավ հայ ազգային երաժշտության այն հիմնախնդիրներին, որոնք արդիական են եղել թե՛ Կոմիտասի ապրած ժամանակաշրջանում և թե՛ մերօրյա մշակութային կյանքում: Սկսելով ազգային կուռ արժեհամակարգի բնորոշիչներից, Դանիել Երաժիշտը դրանց մեջ կարևորեց ազգային երաժշտության էությունը ու ոգին զգալու, անադարտ պահելու բացառիկ միջոցները: Դրանցից առավել նշանակալի են համարվեց անմնացորդ սերը հայ տոհմիկ երաժշտության հանդեպ: Հնչեցին Կոմիտասի «Հայրիկ, Հայրիկ» երգի տարբերակները:



Դանիել Երաժիշտ

Հանդիպումն անցավ շատ ջերմ և հուզումնալից մթնոլորտում՝ լի անվանի երաժշտի գործունեության լենինական շրջանին վերաբերող թանկ հուշերով: Բուհի անսամբլն իր խորին երախտագիտությունն է հայտնում Նարեկացի արվեստի միությանը, այս հիշարժան հանդիպմանն աջակցելու և բուհի հետ ստեղծագործական համագործակցության համար:

✓ Մարտի 11-ին ԵՊԿ Գյումրիի մասնաճյուղում տեղի ունեցավ հանդիպում անվանի քանոնահարուհի, ԵՊԿ պրոֆեսոր, ՀՀ վաստակավոր մանկավարժ Ծովհնար Հովհաննիսյանի հետ: Շատ սպասված ու բաղձալի հանդիպումն սկսվեց ողջույն-կատարումով. ելույթ ունեցան ԵՊԿ Գյումրիի մասնաճյուղի շրջանավարտ Ասյա Հովհաննիսյանը, Գյումրիի Շերամի անվ. 5-րդ երաժշտական դպրոցի աշակերտներ՝ Բուրաստան Գրիգորյանը և Արաքսյա Մանուկյանը (դասատու՝ ՀՀ վաստակավոր մանկավարժ Լուսինա Մելիքյան): Ծ.Հովհաննիսյանը հանդես եկավ դասախոսությամբ՝ նվիրված հայ ավանդական երաժշտության կատարողական արվեստի արդի հիմնախնդիրներին, քանոն նվագարանի, տեխնիկական հիմնարար արտահայտչական հնարավորությունների վերազինմանը, նվագարանագործ վարպետներին, ինչպես նաև վերջին շրջանում այս նվագարանի հանդեպ միջազգային ասպարեզում աճող հետաքրքրությունը: Իբրև փայլուն օրի-



Ծովհնար Հովհաննիսյան

նակներ, անվանի քանոնահարուհին կատարեց հայ միջնադարյան երաժշտության, ինչպես նաև սեփական ստեղծագործությունների անգլագական մանուշներ: Հնչեցին բազմաթիվ հարցեր, որոնք միտված էին հայ ազգային երաժշտության, հայ ինքնության պահպանման և քանոնի կատարողական արվեստի զարգացման հեռանկարներին:

✓ Ժան Բատիստ Լյուլլիի հանդիսավոր քայլերգով ավարտվեց Բարոկկո երաժշտության համերգը, որը տեղի ունեցավ մարտի 2-ին, Գյումրիի կամերային երաժշտության դահլիճում: ԵՊԿ Գյումրիի մասնաճյուղի կամերային նվագախմբի (Արմեն Կարճյանի ղեկավարությամբ) հետ հանդես եկան մեմակատարներ՝ Լիլի Սևոյանը, Ջուլիետա Հարությունյանը, Նարեկ Ավագյանը, Լուսինե Մլքե-Պալստյանը, Տիգրան Բերկեյանը, Տիգրան Պետրոսյանը: Շատ զեղեցիկ համագործակցության արդյունքում հնչեցին՝ Յ. Ս. Բախի Բրանդենբուրգյան 6-րդ Կոնցերտի, Յ. Ս. Բախի երկու Ֆլեյտամների, կլավիրի և նվագախմբի 6-րդ Կոնցերտի, Գ. Ֆ. Հենդելի 1-ին Կոնցերտը երգեհոնի և նվագախմբի համար, Գ. Ֆ. Հենդելի Op. 6, N 12 Concerto Grosso-ի անչափ տպավորիչ կատարումներ:

ՇՆՈՐՀԱՎՈՐՈՒՄ ԵՆՔ

ԵՊԿ Գյումրիի մասնաճյուղի 3-րդ կուրսի ուսանողուհի Լյուդմիլա Հովսեփյանին (ուսումնական ափստենտներ՝ Հռիփսիմե Պետրոսյան և Ազատ Հարությունյան, դրցենտ՝ Անահիտ Մանվելյան) Հունգարիայում կայացած միջազգային մրցույթում 1-ին մրցանակի արժանանալու առթիվ: Բարենաղթում ենք նորանոր հաջողություններ:

ԵՊԿ Գյումրիի մասնաճյուղի 4-րդ կուրսի ուսանողուհի Անահիդա Զաքարյանին (պրոֆեսոր Արմեն Հարությունյան) Apple Hill (Նելսոն, ԱՄՆ) Կամերային երաժշտության կենտրոնում անցկացվող մրցույթ-փառատոնի ընտրական փուլում հաղթելու և այդ հեղինակավոր փառատոնում Հայաստանը ներկայացնելու առթիվ:

Պատրաստեց՝ ԱՐՄԻՆԵ ԱՅՈՅԱՆԸ

Լյուրը քաղված է

https://www.facebook.com/YerevanStateConseavatory_tzhp

Եվրոպայի ամենաստեղծարար եւ փնտրված դաշնակահարուհիներից մեկը՝ Մարիաննա Շիրինյանը Պրահայում. Գրիգին հազորդեց Բաբազանյանը

1 Մարտի 11-ին Պրահայի ֆիլհարմոնիայի՝ Ռուդոլֆինումի պատմական դահլիճում հնչեց Աննա Բաբազանյանի «Էլեգիան»՝ դանիաբնակ հանրահայտ դաշնակահար Մարիաննա Շիրինյանի հոգեպարար կատարմամբ: Տաղանդավոր հայ դաշնակահարուհին այդպիսով իր հայկական ողջույնը հղեց դահլիճին, որը չդադարող ծափերով ընդունել էր նրա փառահեղ ելույթը՝ Չեխիայի ռադիոյի սիմֆոնիկ նվագախմբի հետ նորվեզացի մեծ կոմպոզիտոր Էդվարդ Գրիգի դաշնամուրի և նվագախմբի Կոնցերտի կատարումը: Համերգից առաջ տեղի ունեցավ երաժշտասերների հանդիպումն էստոնացի անվանի դիրիժոր Օլարի Էլտսի և Մարիաննա Շիրինյանի հետ: Համերգը նվիրված էր Չեխիայի ռադիոյի 100-ամյակին, որին նվագախումբն անդրադարձավ համերգի առաջին բաժնում՝ կատարելով չեխ կոմպոզիտոր Լուկաշ Հուռնիկի այդ առիթով գրված «Ռադիո» սիմֆոնիկ ստեղծագործությունը, որն ընդգրկում էր չեխական և միջազգային հայտնի ստեղծագործությունները:

Է. Գրիգի՝ դաշնամուրի և նվագախմբի համար գրված Կոնցերտի կատարումը համերգի զագաթնակետն էր, թեև երկրորդ բաժնում դեռևս պետք է հնչեր Սիբելիուսի 5-րդ Կոնցերտը: Մարիաննա Շիրինյանը երաժշտական աշխարհում համարվում է այս Կոնցերտի լավագույն կատարողներից մեկը, եթե չասենք՝ լավագույնը: Եվ Գրիգի բնական ու սահուն ներկայացումը գրավեց խստապահանջ հանդիսատեսին, որն էլ պատասխանեց իր ծափողջույններով ու «բրավո»ներով: Համերգին նախորդած հանդիսատես-երաժիշտներ հանդիպմանը Մարիաննան չթաքցրեց, որ ներկայացնելու է Գրիգի իր մեկնաբանությունը, որ նորվեզական երաժշտությունը կարևոր տեղ ունի իր ստեղծագործական կյանքում: Նաև հիշեցնելով իր հայկական արմատների մասին, նա շեշտեց, որ գրիգյան հայրենաբաղձության մոտիվներն իրեն հիշեցնում են Հայաստանը՝ իր Հայրենիքի կարոտը: Այն հոգեհարազատ է իրեն, և խորհրդանշական է, որ այժմ բնակվելով Կոպենհագենում, իր տունը հեռու չէ այն շենքից, որտեղ ապրել է 24 տարեկանում այդ Կոնցերտը գրել է Գրիգը: Մեզ հետ զրույցում Մարիաննան ասաց. «Իմ հոգում Գրիգի Կոնցերտը շատ կարևոր տեղ է գրավում: Ես այն նվագել եմ հաճախ և ունեմ շատ առանձնահատուկ կապ այդ գործի հետ: Տարիների ընթացքում իմ կապը Նորվեգիայի, այնտեղի երաժշտական ավանդույթների, ժողովրդական երաժշտության հետ շատ սերտացել է: Դա առանձնահատուկ մի լեզու է, որ սերտ կապ ունի Նորվեգիայի բնության և ավանդույթների հետ: Ինձ համար շատ հետաքրքիր մի անկյուն է, որ ես սիրով հետազոտել եմ: Ուրախ եմ ներկայացնել չեխական հանդիսատեսին այդ հրաշք կոնցերտը»: Մեր կողմից ավելացնենք, որ ոչ միայն կոնցերտն էր հրաշք, այլև Շիրինյանի կատարումը: Այնպիսի տպավորություն էր, որ այդ գործի հեղինակը դաշնակահարն է:

Հայ դաշնակահարուհին իր գոհունակությունը հայտնեց նաև Չեխիայի ռադիոյի սիմֆոնիկ նվագախմբի մասին: Մեզ հետ զրույցում նա խոստովանեց, որ Պրահայում նվագում է առաջին անգամ: «Մեծ ուրախությամբ սպասում եմ իմ հանդիպմանը Չեխական ռադիոյի նվագախմբի և չեխական հանդիսատեսի հետ: Ունեմ չեխ երաժիշտ շատ ընկերներ և անչափ հարգում ու սիրում եմ չեխական երաժշտական ժառանգությունը: Չեխիայում տարիներ առաջ նվագել եմ Պլեգենի սիմֆոնիկ նվագախմբի հետ՝ Գերշվիկի «Rhapsody in blue»-ն», - ասաց նա:

Ավելացնենք, որ Մարիաննա Շիրինյանը ծնվել է Երևանում՝ երաժիշտների ընտանիքում, ավարտել է Չայկովսկու անվ. երաժշտական դպրոցը, մասնագիտական բարձրագույն կրթությունն ստացել է Գերմանիայում, ապա հաստատվել Դանիայում և ելույթներով հանդես է գալիս ոչ միայն Սկանդինավյան երկրներում, այլև աշխարհի տարբեր համերգային դահլիճներում: Ունի թողարկած բազմաթիվ ձայնասկավառակներ, դասավանդում է Օսլոյի երաժշտական ակադեմիայում, պրոֆեսոր է:

Ինչպես բնութագրում է Պրահայի համերգի առիթով տպագրված գրքույկը, Մարիաննա Շիրինյանը համարվում է Եվրոպայի ամենաստեղծարար և ամենափնտրված դաշնակահարներից մեկը: Նրա երաժշտականությունը և վիրտուոզ կատարումը, ինչպես նաև հոյակապ տեխնիկական վայել է իրական դասական երաժշտին:

ՀԱՎՈՐ ԱՍՏՈՐՅԱՆ

Պրահա

<https://azg.am/culture/%d5%a5%d5%be%d6%80%d5%b8%d5%ba>

%d5%a1%d5%b5%d5%ab-%d5%a1%d5%b4%d5%a5%d5%b6%d5%a1%d5%bd%d5%bf%d5%a5%d5%b2%d5%ae%d5%a1%d6%80%d5%a1%d6%80-%d5%a5%d6%82



ԵՊԿ Գյումրիի մասնաճյուղի կամերային նվագախումբ, դիրիժոր՝ Արմեն Կարճյան

«ԵՐԵՎԱՆՅԱՆ ՀԱՅՏԱՐԱՐՈՒԹՅՈՒՆՆԵՐ»

«ՄԻՆԻՄԱԼԻՉԱՆ ԵՐԱԺՇՏՈՒԹՅԱՆ ՄԵԶ»

Մարտի 11-ին, ԵՊԿ ուսանողների ուժերով կայացավ երաժշտական միջնակիցը՝ ներկայացնող հեղինակների ստեղծագործություններից բաղկացած թեմատիկ համերգը: Ծրագրի մասնակից թավջութակահար Յենրի Երկանյանը համոզված է. «Այս ոճի երաժշտության կատարումը շատ կարևոր իրադարձություն է բոլոր մասնակիցների համար: Ժամանակակից երաժշտությունը դասական երկացանկից ոչ պակաս պետք է հնչի ուսանողների մեկնությանը. դա մի այլ հետաքրքրություն է՝ նվագել քեզ ժամանակակից մեծավաստակ կոմպոզիտորների գործերը»: Կատարողների անունից նա շնորհակալություն է հայտնել կոմպոզիտոր Ռալֆ Քեռլեյերին, որ՝ նման նվիրվածությամբ ու սիրով իր գործի հանդեպ, վստահեց ուսանողներին ու կազմակերպեց այս համերգը. «Մտախորհուն ավելի լայնացավ», - շեշտել է Յենրի Երկանյանը: Կատարումներով հանդես կան՝ Թերեզա Մարկոսյանը, դաշնամուր, Մարգարիտ Ասատրյանը, դաշնամուր, Իվան Եսայանը, ջութակ, Արթուր Մուրադյանը, ջութակ, Նարե Թորոսյանը:



Ռալֆ Քեռլեյերան



Իվան Եսայան, Յենրի Երկանյան, Արթուր Մուրադյան, Ռալֆ Գրիգորյան



Մինչհամերգային լուսանկարները՝ Սիփան Արծրունու

Ասյա Ջանունց, Նարե Թորոսյան

յանը, ալտ, Յենրի Երկանյանը, թավջութակ, Ասյա Ջանունցը, ֆլեյտա, Ռալֆ Գրիգորյանը, սաքսոֆոն, Ռալֆ Քեռլեյերանը, համերգի համակարգող:

ՎԱՐՊԵՏՈՒԹՅԱՆ ԴԱՍ, ՀԱՆԴԻՊՈՒՄ

✓ Մարտի 14-ին իր հարազատ կոմպոզիտորիայի մասնագիտական դաշնամուրի ամբիոնի ուսանողների հետ վարպետության դաս անցկացրեց ԵՊԿ շրջանավարտ, գերմանաբնակ դաշնակահար Լիլիթ Գրիգորյանը:



Լուսանկարը՝ Հասմիկ Համբարյանի

Լիլիթ Գրիգորյանի վարպետության դասին

վեստի մեծերից մեկի՝ Մարիա Ժառ Պիրեշի մասնագիտական ժառանգության կրողն է: Ուսուցիչն այսպես է

բնութագրել մեր հայրենակցին. «Լիլիթն առանձնանում է իր հզոր ուժով և հստակ, հաստատուն երաժշտական լեզվով»:

Դաշնակահարուհի Լիլիթ Գրիգորյանն իր սերնդի ճանաչված արտիստներից է: Մամուլը բարձր է գնահատել նրան՝ ընդգծելով «իր տարիքի համար անսովոր հասուն կատարումները» («BBC Music Magazine») և անվանելով նրան «պայծառ կետ դաշնամուրային կատարողականության ասպարեզում» («MDR Kultur»): Հյուրախաղերով շրջագայել է 30-ից ավելի երկրներում, ելույթներ ունեցել Konzerthaus (Բեռլին), Elbphilharmonie, Laeiszhalle (Համբուրգ), Philharmonie (Էսսեն), Gasteig (Մյունխեն), Concertgebouw (Ամստերդամ), Great Hall of Mozarteum (Չալցերգ), Philharmonie de Paris, Salle Cortot, Cité de la Musique (Փարիզ), Halle aux Grains (Թուլուզ), BOZAR, Flagey (Բրյուսել), Palau de la Música Catalana (Բարսելոնա), Auditorio Nacional de Música (Մադրիդ), ինչպես նաև Նյու Յորքի, Լոնդոնի, Համբուրգի Steinway Hall-ի դահլիճներում: Հանդես է եկել Schleswig Holstein, Mecklenburg-Vorpommern, Verbier, Krzyzowa, Gezeitenkonzerte,



Իվան Եսայան, Յենրի Երկանյան, Արթուր Մուրադյան, Ռալֆ Գրիգորյան

Kultursommer Nordhessen, Auvers-sur-Oise, Colmar, Menton, Midis-Minimes և այլ հեղինակավոր փառատոներում:

2012 թ. թողարկվել է Լիլիթ Գրիգորյանի դեբյուտային ձայնասկավառակը (Disc Auvers) Դ. Սկառլատտի, Ռ. Շումանի, Բ. Բարտոկի և Ա. Խաչատրյանի ստեղծագործություններով, իսկ 2018-ին՝ «Variations Sérieuses» (Orchid Classics) մենամուտային ձայնասկավառակը՝ Բախ-Բուզոնի, Լ. վան Բեթհովենի, Ֆ. Մենդելսոնի, Ժ. Բիզեի և Կ. Շիմանովսկու վարիացիաներով:

Թողարկվել են նաև կամերային երաժշտության ձայնասկավառակներ ջութակահար Սառա Քրիստիանի (2017, Genuin), ալտահարներ Հիլյոլի Տոգավայի (2018, Naxos), Կարոլինա Էրերայի (2022, Genuin) հետ:

Ֆրեդերիկ Մոնպյանի «Música Callada» («Լռության երաժշտություն») դաշնամուրային շարքի ձայնասկավառակը թողարկվել է 2021թ. (Orchid Classics) և ընդգրկվել Apple Music-ի 2021թ. լավագույն ալբոմների շարքում:

Լիլիթ Գրիգորյանը ծնվել է Երևանում: Ուսանել է Արթուրի Հարությունյանի, Սերգեյ Սարաջյանի, Մաթիաս Կիրշներայթի մասնագիտական դասարաններում: 2012-2016 թթ. Լիլիթ Գրիգորյանը կատարելագործվել է Բելգիայում (Chapelle Musicale Reine Elisabeth) լեգենդար Մարիա Ժառ Պիրեշի ղեկավարությամբ: Այդտեղից էլ սկսվել է սերտ համագործակցությունը Մարիայի հետ և մասնակցությունը նրա տարբեր նախագծերին: Որպես կամերային երաժիշտ՝ համագործակցում է նաև Կլաուդիո Բոհորկեսի (թավջութակ), Վալերի Սոկոլովի (ջութակ), Դավիդ Պետերսենի (ֆագոտ) և ուրիշների հետ: Լ. Գրիգորյանը միջազգային մրցույթների բազմակի դափնեկիր է, նաև՝ ՀՀ Նախագահի մրցանակակիր (2008 թ.): 2023 թ. ապրիլից ներկայացնում է որպես Yamaha-ի արտիստ: Ներկայումս դասավանդում է Ռոստոկի երաժշտության և թատրոնի բարձրագույն դպրոցում:

✓ Մարտի 20-ին կայացավ միջազգային մրցույթների դափնեկիր, UCLA Herb Alpert-ի պրոֆեսոր, UCLA հայկական երաժշտական ծրագրի հիմնադիր-խորհրդատու, անվանի ջութակահար, ԵՊԿ շրջանավարտ Մովսես Պողոսյանի հետ հանդիպումը՝ մասնակցությամբ Կոմպոզիցիայի ամբիոնի վարիչ Վաչե Շարաֆյանի, Ուսումնական գծով պրոռեկտոր, կոմպոզիտոր Արամ Հովհաննիսյանի: Առիթը՝ «Սերենադ խառնուրդի հետ» 4 ձայնասկավա-

ռակից բաղկացած ժողովածուն էր, որը լույս է տեսել 2024 թվականի հունվարին: Այն Մովսես Պողոսյանի (նախագծի ղեկավար-ջութակահար) կատարողական, մշակութային



Մովսես Պողոսյան, Վաչե Շարաֆյան, Արամ Հովհաննիսյան Լուսանկարը՝ Շուշան Այվազյանի

բազմակողմանի գործունեության կարևոր ծրագրերից մեկն է: Այստեղ արտացոլված են հայ կամերային երաժշտության գրեթե մեկ դարյա ընդգծված նշանակությամբ օրինակներն ու պրեմիերային ստեղծագործությունները, որտեղ ներկայացված է հայ երաժշտության խորությունն ու լայնությունը:

Ձայնասկավառակի մեկ օրինակ փոխանցվեց ԵՊԿ ձայնադարանին:

✓ «XX դարի հայ կոմպոզիտորների ստեղծագործություններ»

Կամերային գործիքային երաժշտությունն ստեղծագործական ու կատարողական արվեստում առանձնահատուկ ազդեցություն ունի, այն վարպետության դպրոց է ու նոր գաղափարների, արտահայտչամիջոցների ամենալուրջ ասպարեզ:

Մարտի 23-ին, Երևանի կոմիտասի անվան պետական կոնսերվատորիայի Կամերային գործիքային ամսամբլի ամբիոնի դասախոսները և ուսանողները պրոֆեսոր Իրինա Բադալյանի ղեկավարությամբ ներկայացան հայ կոմպոզիտորական ժառանգության համայնապատկերով:

Համերգը կարևոր էր հայրենական հեղինակների անուններն ու ստեղծագործությունները կատարելու նշանակությամբ: Ուսանողները հնարավորություն ունեցան հնչեցնել տարբեր սերնդի կոմպոզիտորների զգացումների տրամադրությունը, կարողանալ հաղորդվել հարազատ գեղարվեստական արտահայտման հետ:

Հետաքրքիր էին յուրաքանչյուր դասախոսի առանձնահատուկ ձեռագրերը, ինչպես օրինակ՝ ակադեմիական ու ինտելեկտուալ հեղինակների ժառանգությունը հանրահռչակող պրոֆեսոր՝ Իրինա Բադալյանը, դասական անունների երկերում իր ժամանակի ռիթմն ու ավյունը միշտ ներբերող՝ պրոֆեսոր Ալիսա Արզումանյանը, գեղարվեստական ու պոետիկ շերտերին հարազատ՝ պրոֆեսոր Ջուլիետա Խաչատրյանը, մշտապես նոր օպուսներով ուսումնական երկացանկը լրացնող՝ դասախոս Ջուլիետա Վարդանյանը, կոմպոզիտորական ու կատարողական հարթություններում երկխոսության կարևոր մշակույթին հավատարիմ՝ պրոֆեսոր Վաղարշակ Պեպանյանը, կամերային երաժշտության մշակույթի մասշտաբայնությունն ընդգծող՝ պրոֆեսոր Գայանե Հովհաննիսյանը:

Համերգը մեկնարկեց ծրագրին մասնակից դաշնակահար Շուշան Արևշատյանի Սկերցոյով, որն ուսանողն գրել է կոմպոզիցիայի ֆակուլտետի դասընթացի շրջանակներում՝ Արամ Հովհաննիսյանի ղեկավարությամբ: Ստեղծագործությունը 2024 թվականին «Classical Musical Stars» միջազգային երաժշտական մրցույթի (Վարշավա) «Կոմպոզիցիա անվանակարգի Արծաթե» մրցանակակիր է:

Կամերային երաժշտությունն ուսանողների մոտ կարևոր իրամասնական է առաջադրում. ներկայանալ լարային գործիքների մեծ զինանոցով, ինչպես օրինակ Գրիգոր Հախիմյանի ու Գագիկ Հովունցի գործերում: Հետաքրքիր էր կոմպոզիտորի ապրած ժամանակի այսօրվա իրականության հետ զուգահեռը, օրինակ՝ Ավետ Տերտերյանի, Գայանե Չեքոտարյանի ստեղծագործություններում: Ընկալելի էր Ալեքսանդր Հարությունյանի դաշնամուրային Տրիոյում գործիքային դասականության ու երգայնության նրբին եզրերը փոխլրացնելու կարողությունը: Անշուշտ առանձնահատուկ հարազատ խանդավառությամբ էին կատարում ժանրային հիմքով ծնված օպուսները (Ստեփան Ջրբաշյան, Էդգար Հովհաննիսյան, Էդուարդ Խաղա-գործյան), որտեղ երգը, խմբապարի մոտորիկան, ահագնազող երթ-ընթացքը պատանի երաժիշտներին սեփական ներաշխարհն արտացոլելու միջոցներ էին:

Համերգային ծրագիրն էր. Շուշան Արևշատյան - Սկերցո (կատ.՝ Արուսյակ Արևշատյան - ջութակ, 3-րդ կուրս, Շուշան Արևշատյան, դաշնամուր, 3-րդ կուրս, ղեկավար՝ պրոֆեսոր Ալիսա Արզումանյան) Գագիկ Հովունց - «Դուետ», 3-րդ մաս (կատ.՝

«ԵՐԵՎԱՆՅԱՆ ՀԱՅՏԱՐԱՐՈՒԹՅՈՒՆՆԵՐ»



Լուսանկարը՝ Հասմիկ Համբարյանի

ԵՊԿ Կամերային գործիքային անսամբլի անդամները դասախոսները և ուսանողները՝ պրոֆեսոր Իրինա Բադալյանի ղեկավարությամբ մերկայացան համերգով

10

Մարիամ Գաբունյան, ջութակ, 3-րդ կուրս, Արեն Ամիրյան, դաշնամուր, 3-րդ կուրս, ղեկավար՝ պրոֆեսոր Իրինա Բադալյան)

Ավետ Տերտերյան - «թավջութակի և դաշնամուրի Սոնատ» (Հովիկ Օգանեզով թավջութակ, ուսումնական ասիստենտ, Թերեզա Մարկոսյան, դաշնամուր, 3-րդ կուրս, ղեկ.՝ պրոֆեսոր Ջուլիետա Խաչատրյան),

Գրիգոր Հախինյան - դաշնամուրային Տրիո, 3-րդ մաս (Ֆուգա) (Շուշան Արևշատյան, դաշնամուր, 3-րդ կուրս, Արուսյակ Արևշատյան - ջութակ, 3-րդ կուրս, Հովիկ Օգանեզով, թավջութակ, ուսումնական ասիստենտ, ղեկ.՝ պրոֆեսոր Ալիսա Արզումանյան),

Գայանե Չեքոտարյան - դաշնամուրային Տրիո (Նինա Ղահրամանյան, դաշնամուր, 2-րդ կուրս, Ջուլիա Ավետիսյան, ջութակ, 3-րդ կուրս, Աշոտ Ղարիբյան, թավջութակ, 3-րդ կուրս, ղեկավար պրոֆեսոր Իրինա Բադալյան, դոցենտ՝ Քրիստինե Իսկանդարյան)

Ստեփան Էլմաս - դաշնամուրային Տրիո, 1-ին մաս (Մեհրաբ Զիաբարի, դաշնամուր, 3-րդ կուրս, Անահիտ Իվանյան, ջութակ, 2-րդ կուրս, Անահիտ Շահինյան, թավջութակ, 3-րդ կուրս, ղեկավար՝ դասախոս Ջուլիետա Վարդանյան),

Ալեքսանդր Հարությունյան - Կլառնետի ջութակի և դաշնամուրի Տրիո (3-4-րդ մասեր) (Հովհաննես Զիրոյան, կլառնետ, մագ. 1-ին կուրս, Արկիկ Մելքոնյան, ջութակ, 4-րդ կուրս, Էլեն Հարությունյան, մագիստրոսական 1-ին կուրս, ղեկավար պրոֆեսոր Իրինա Բադալյան)

Ստեփան Ջրբաշյան - դաշնամուրային Կվինտետ, 2-րդ մաս, (Մարինե Մկրտչյան, դաշնամուր, 4-րդ կուրս, Նորայր Մաղաքյան, ջութակ, 3-րդ կուրս, Մարիաննա Քոչարյան, ջութակ, 4-րդ կուրս, Սառա Հարությունյան, ալտ, 4-րդ կուրս, Սուսաննա Մուրադյան, թավջութակ, ուսումնական ասիստենտ, ղեկավար՝ պրոֆեսոր Ալիսա Արզումանյան)

Էդգար Հովհաննիսյան - դաշնամուրային Կվինտետ, 2-րդ մաս (Վերժինե Էլյազյան, դաշնամուր, մագիստրոսական 1-ին կուրս, Սյուզաննա Ասատրյան, ջութակ, 3-րդ կուրս

Անուշ Մարգարյան, Մարգարյան, ջութակ, մագ. 1-ին կուրս, Լյուդմիլա Հովհաննիսյան, ալտ, մագ. 1-ին կուրս, Սուսաննա Մուրադյան, թավջութակ, ուսումնական ասիստենտ, ղեկավար՝ պրոֆեսոր Գայանե Հովհաննիսյան)

Էդուարդ Խաղազորժյան՝ դաշնամուրային Կվինտետ, 4-րդ մաս (Ալեքսանդրա Մնացականյան, դաշնամուր, 4-րդ կուրս, Էլեն Մամիկոնյան, ջութակ, 4-րդ կուրս, Անուշ Մարգարյան, ջութակ, մագիստրոսական 1-ին կուրս, Լյուդմիլա Հովհաննիսյան, ալտ, մագիստրոսական 1-ին կուրս, Սուսաննա Մուրադյան, թավջութակ, ուսումնական ասիստենտ, ղեկավար՝ պրոֆեսոր Գայանե Հովհաննիսյան):

<https://www.facebook.com/YerevanStateConsevatory>

Հայաստանի պետական սիմֆոնիկ նվագախմբի 15-րդ «Հայ ֆեստ» փառատոնի բացումը Արամ Խաչատրյանի անվան համերգասրահում

«Հայֆեստի» (փառատոնի անունի մասին տես՝ նույն ամսաթերթի էջ՝ 10) մեկնարկն էր՝ Հայաստանի պետական սիմֆոնիկ նվագախմբի և ՀԿՍ համատեղ կազմակերպ-

մամբ առաջին համերգը՝ նվիրված Ավետ Տերտերյանի ծննդյան 95-ամյակին: Այն տեղի ունեցավ մարտի 19-ին՝ Իրինա Տիգրանովա-Տերտերյանի ծննդյան օրը, որի մասին հիշեցրեցի շնորհաշատ և նրանց հիշատակը մշտապես պահպանող Սերգեյ Սմբատյանին: Իրինա Տիգրանովան միշտ ասում էր, թե Ավետ Ռուբենովիչն ամեն ինչը ղեկավարում է ի վերուստ:

Ու արտակարգ հետաքրքիր մեկնաբանումով հնչեց կոմպոզիտորի 3-րդ Սիմֆոնիան և պետք է նշենք, որ այս Սիմֆոնիան Սերգեյ Սմբատյանը մի քանի անգամ է, որ կատարում է սկսած կոմպոզիտորի ծննդյան հոբելյանական 75-ամյակից և յուրաքանչյուր անգամ նորովի թարմ ու նուրբ մեկնաբանմամբ: այս անգամ համերգի ժամանակ այնքան միաձուլվել է բնական էր հնչում զուռնան և դուդուկը դասական սիմֆոնիկ նվագախմբի տեմբրային հնչողության հետ:

Համերգի սկզբում հնչեցին Ալեքսանդր Հարություն-



Հայաստանի պետական սիմֆոնիկ նվագախումբ, դիրիժոր Սերգեյ Սմբատյան

յանի «Տոնական» նախերգանքը և տուրք տալով արտերկրից հրավիրված մեր մշակույթը տարածելու միտումով, աղջնակ կատարողի՝ Սելինա Օտտի մեկնաբանմանը շեփորի աշխարհահռչակ իր փայլուն կատարող վարպետներով Կոնցերտը:

ԳՐԱՐ ՀԱԳՈՅԱՆ

ՇՆՈՐՀԱՎՈՐՈՒՄ ԵՆՔ

ԵՊԿ 2-րդ կուրսի քանոնահար Լուրա Թորոսյանը, 2023 թ., ղեկտեմբերի 15-ին «The North International Music Competition» օնլայն մրցույթի «Քանոն» անվանակարգում, վաստակելով 100-ից 90 միավոր, ստացել է Առաջին մրցանակ:

ԵՊԿ 2-րդ կուրսի քանոնահար Արևիկ Ներկարարյանը, 2023 թ., հոկտեմբերի 13-ին «World Art Games» արվեստի միջազգային մրցույթում օնլայն մրցույթի 20-25 տարեկան տարիքային խմբի «Գործիքային կատարողականություն» անվանակարգում, վաստակելով 100-ից 98 միավոր, համալրել է Երևանի Կոմիտասի անվ. պետական կոնսերվատորիայի մրցանակակիրների շարքը՝ առաջին տեղի դիպլոմով:

ԵՊԿ 4-րդ կուրսի քանոնահար Մանուշակ Նաղդալյանը, փետրվարի 29-ին «American edition» օնլայն մրցույթի 20-25 տարեկան տարիքային խմբի «Գործիքային կատարողականություն» անվանակարգում, վաստակելով 100-ից 98 միավոր, ստացել է առաջին մրցանակի դիպլոմ:

<https://www.facebook.com/YerevanStateConsevatory>

ԵՐԱԺԻՇS ամսաթերթում կարդացեք նոր էջ.
«ՀԱՅԿՅԱՆ ԴԻՑԵՐ»
մտահղացումը՝ ԳՐԱՐ ՀԱԳՈՅԱՆԻ

ՀԱՅԿՅԱՆ ԴԻՑԵՐ՝ ՏԻՐ
դպրության, պերճախոսության,

Գիտությունների ու
արվեստների աստվածը
հին հայկական դիցաբանության մեջ

Տիրը դպրության, պերճախոսության, գիտությունների ու արվեստների աստվածը հին հայկական դիցաբանության մեջ համարվել է Արամազդ աստվածաձևի ատենադպիրն ու տուրհանդակը, մարդկանց ճակատագրի գուշակ ու երազների մեկնիչ, նրանց չար ու բարի գործերի գրանցողը, ննջեցյալների հոգիները «անդրշիրիմյան աշխարհ» ուղեկցողը: Նա մի ամբողջ ամիս զբաղվում էր մարդկանց ծնունդներն ու մահերն իր մատյանում գրանցելով, մնացած տասնմեկ ամիսներն արարչագործության ավիշ էր ներարկում գրողներին, երաժիշտներին, պատկերահաններին (նկարիչներին) և քարագործ-ճարտարապետներին:

Տիր աստծուն Արիական գաղտնագիտության մեջ համապատասխանել է եթեր տարերքը, ինչը խորհրդանշել է գիտելիքը և մարմնավորվել է երկնային ոլորտով: Այն ժամանակակից գիտության մեջ ունի Իոնոլորտ անվանումը:

Տիրին նվիրված գլխավոր կաճառը կոչվել է Երազամույն կամ Զվարթնոց, այն այսօր կոչվում է Զվարթնոց: Երազամույն բառը կազմված է «երազ» արմատից, «ա» հոդակապից և «մույն» արմատից, ինչը նշանակում է՝ վալեչություն: Երազամույն նշանակում է երազների վայելք: Տիրի կաճառ է եղել նաև Այրիվանքը՝ ժամանակակից Գեղարդավանքը: Վանական համալիրի հարող քարանձավները, ուր ուխտավորները, երազանք պահելով, փորձում են քարեր նետել, Տիրի պաշտամունքի մնացուկներն են և ուղղակիորեն վկայում են այնտեղ ժամանակին Տիրի կաճառի գոյության մասին:

Տիրի կաճառ է եղել նաև Մեծամորում, Քարահունջում, Տաթևի և Հաղպատի տեղում: Տիրին նվիրված նշանավոր կաճառ կար Արևմտյան Հայաստանի Մշո Սուրբ Կարապետ վանքի տեղում: Տիրի կաճառ եղել է նաև Սոսյաց անտառում՝ Արմավիր մայրաքաղաքի մոտ, որտեղ բնապաշտ քրմերը բնության երևույթներն են ուսումնասիրել, աստղագիտությամբ զբաղվել:

Տիր դից-աստծո տոնահանդեսը՝ Տիրական: Հայոց հին տոմարի 4-րդ ամիսը Տիրի անունով կոչվել է Տրե կամ տրի, ծիածանը՝ Տիրական կամ Տրական գոտի: Նրա անունով են կոչվել Տիրինկատար լեռը, Տիրակատար քաղաքը, Տրե և Տիրառիճ գյուղերը, ինչպես նաև մի շարք անձնանուններ (Տիրան, Տիրոց, Տրդատ): Տիրը մշակույթում - Տեառնընդառաջ տոնը Բնապաշտական Կրոնում նվիրված է եղել Տիր աստծուն և կոչվել է Տրնտես (Տիրին տեսության): Նրա անվան հետ է կապված «Գրողի տարած», «գրողի ծոցը» արտահայտությունները: Չե՞ք կարծում, որ այս արձանիկի մտահղացմանը շատ մոտ է Ս. Փարաջանովի ծննդյան 100-ամյակի առթիվ բացված արձանը: Եթե, այո, գրեք Ձեր մտորումները խմբագրության հասցեով սիրով կիրառաբանենք և ո՞վ է այս արձանի հեղինակը:

ԳՐԱՐ ՀԱԳՈՅԱՆ

Լյուբը

<https://www.facebook.com/photo/?fbid=2055794021468820&set=pcb.770766661428143> էջից



ՆՈՐ ՀՐԱՏԱՐԱԿՈՒԹՅՈՒՆՆԵՐ

Հայ երաժշտական գեղոսների՝
օրորներգության նմուշների նոր
«կյանք»

1

Հայկական հին, ներկայում՝ հազվադեպ կատարվող կամ միայն բանահավաքական նյութերում պահպանված օրորներգայինների՝ երկու տասնյակից ավելի գեղոսների հավաքածու է առանձին խոսքերով ներկայացրել օպերային մեներգչուհի, ՀՀ վաստակավոր արտիստ, Կոմիտասի անվ. պետական կոնսերվատորիայի դասախոս Մագդա Մկրտչյանը: Սա երգչուհու իրականացրած ծագրերից հերթականն է: Նախորդիվ մա երևանյան հանդիսականի առջև հանդես էր եկել իսպանական երգարվեստի՝ մեզանում երբևէ չհնչած ստեղծագործությունների կատարմամբ, և այդ համերգային երեկոյին մաս անդալուզյան օրորներգային էր հնչել: Հերթը հիմա հայկականներին է:

Եթե ուզում ես բացահայտել որևէ ժողովրդի հոգու ծավալները, լեզվամտածողության ինչ-ինչ շերտեր, լսիր նրա աշխատանքային երգերն ու օրորներգայինները, որոնցում խտացված են երջանկության, սիրո, կյանքի ճշմարտության և երազների միահյուս պատկերացումները՝ մեղեդիների ու խոսքի ներդաշնակ հյուսվածքով: Մինչ օրորներգայինների այս հավաքածուն - խոսքերով լույսընծայումն իմն հայտնի էր մեր հորովելների չքնաղ նմուշները վերջին տարիներին հետևողականորեն բացահայտելու, մշակելու հանգամանքը: «Մարդկային մի կյանքը բավական չէ այդ ամբողջ հարստությունն ամբողջապես մշակելու համար», - տարիներ առաջ մեր գրույցներից մեկին փաստել է մատերո Սեդրակ Երկանյանը: Ըստ տարածաշրջանների՝ հորովելները «բարտեզագրելու» նրա հետևողական ջանադրության շնորհիվ այսօր հայ բեմից հնչում են հայ հնագույն երաժշտարվեստի զանազան թանկարժեք նմուշներ: Հենց նույն զանազանից է Մագդա Մկրտչյանը քաղել օրորներգային երգերը, որոնք, ենթադրում են, նույնպես մեծ քանակ են կազմում, բովանդակությամբ և զգացմունքի տարողությամբ նույնքան խորն ու լեցուն են, և ուրեմն, վաղուց

է հասունացել դրանց «երկրորդ շնչառություն» տալու, բեմ բարձրացնելու, հայ հանրության սեփականությունը դարձնելու, մաս օտարազգիներին մեր արվեստի դարավոր արմատները ցուցանելու պահանջը: Արդի հայ հանրության գեղագիտական ճաշակը վերափոխելու, վերածնելու ուղիղ ճանապարհը հենց մեր երաժշտարվեստի մաքրամաքուր աղբյուրներից բխող մեղեդահյուսքերը, բանարվեստը հանրամատչելի դարձնելն է, և շնորհակալ է նրանց գործը, ովքեր հանդես են գալիս այդ առաքելությամբ: Երբ Մագդա Մկրտչյանը ձեռք էր մեկնում հայկական



«Հայկական օրորների զանգարան» խոսքերով

օրորներգայինների նյութի ուսումնասիրությամբ, չէր էլ պատկերացնում, թե որքան ծավալուն նյութ կհայտնաբերի իր համար: Հիմա, երբ արդեն իր երգացանկում հինգ տասնյակ օրորներ ունի, խոստովանում է, որ ամեն անգամ զարմանք և հիացմունք է ապրել՝ հերթական երգը «պեղելիս»: Չէ որ դրանց խոսքն ու մեղեդին հորինել են հասարակ գեղելուհիները, հայ մայրերը, և դրանցից յուրաքանչյուրն արվեստի գործ է՝ մնալուն և անկրկնելի: «Ժողովրդի տաղանդի, շնորհի արտահայտություններ են, որոնց մեջ խտացված են մեր պատմությունը, կենցաղավարության դրվագները, տվյալ անձի տրամադրությունը, հույզն ու հոգսը, որոշ դեպքերում՝ տազանավները, մի այլ դեպքում՝ խաղաղ հրժվանքը և այլն, - ասում է երգչուհին: - Օրորները մաս մեր պատմությունն ուսումնասիրելու յուրատիպ ուղեցույց են. դրվագ առ դրվագ, պատկեր առ պատկեր հաս-

կանում ես այն ժամանակաշրջանը, որում ապրել են այդ օրորներն արարողները: Խոսում են ծնողի՝ իր զավակին տրված պատգամները, առաջին հայացք՝ պարզ, բայց այնքան զգայացունց, բազմանշանակ են քնքշանքի արտահայտությունները: Շարունակում են աշխատանքը Կոմիտասի օրորներն ամբողջականորեն ներկայացնելու ուղղությամբ, շարունակելու են օրորներգայինները «պեղելու» և դրանցով հայեցի դաստիարակություն տալու իմ աշխատանքը: Դրանք արդեն իսկ ուսուցողական նյութ են դարձել Անահիտ Ցիցիկյանի անվ. երաժշտական դպրոցում, որտեղ ուսուցանում են:

Օրորներում երբեմն նորարարություններ են ներմուծում: Օրինակ, Ալենի օրորում մենախոսում են՝ դրանով խորացնելով ստեղծագործության հուզականությունը, հզորացնելով հանդիսականին հաղորդվող զգացմունքային լիքը: Սկսյալ անհիշելի ժամանակներից՝ միշտ և ամենուրեք, որտեղ եղել է ծնունդ և օրոցը, հնչել է օրորներգային երգը, որով հայ կինն իր սիրասուն մանկան գովքն է արել, արտահայտել իր սերն ու գորովը»:

Մագդա Մկրտչյանի հետ գրույցին տեղեկացա, որ «Հայկական օրորների զանգարան» խոսքերով ներկայացնում է պատմական Հայաստանի տարբեր բնակավայրերը՝ Տարոնը, Վանը, Սասունը, Շատախը, Ալենը, Մուկը և այլն: Ինձ համար նորություն էր, որ օրորներ երգել են մաս պապերը: Դրանցից է Սասնա օրորը.

«Բուրի գենին՝ դու գորենաս,
Դու պրգդիկ իս, բարով մեծնաս:
Բուրի գենին, իմ պրգդիկին,
Անդրանիկի քաջ զինվորին:
Հարավ քամին գրի օրորը,
Բուրի, բուրի, բուրի, լաո՝
Վերին Աստված, կարմիր արև,
Ձքի հով էնը, բուրի, լաո՝»:

ՀԱՍՄԻԿ ՍԱՐԳՍՅԱՆ

Գրող, լրագրող

<https://azg.am/culture/%d5%b0%d5%a1%d5%b5-%d5%a5%d6%80%d5%a1%d5%aa%d5%b7%d5%bf%d5%a1%>

ՆՈՐ ԶԱՅՆԱՍԿԱՎԱՈՒԿ

Լույս է տեսել «Զառույան մրցանակ 2023» առաջին քուիսկան մրցույթի ճայնասկավառակը:

Մրցույթը, որին մասնակցել են ԵՊԿ Կոմպոզիցիայի ամբիոնի և կոմպոզիցիայի ֆակուլտատիվ դասընթացների ուսանողները, նախաձեռնել էին դաշնակահար, Մեմուհի-նի Միջազգային երաժշտական Ակադեմիայի դասախոս Անահիտ Զառույանը և ԵՊԿ ուսումնական գծով պրոռեկտոր, կոմպոզիտոր Արամ Հովհաննիսյանը:

Մեմանվագ դաշնամուրի համար գրված ստեղծագործությունները կատարում են Մասնագիտական դաշնամուրի ամբիոնի ուսանողները, ինչպես մաս ԵՊԿ կոնցերտմայստեր:

Հանձնախմբի կազմում էին Մոսկվայի Պ. Ի. Զայկովսկու անվան կոնսերվատորիայի պրոֆեսոր, կոմպոզիտոր Յուրի Կասպարովը, Բրազայի Միյոյի համալսարանի պրոֆեսոր, կոմպոզիտոր Պեդրո Յունկեյրա Մայան (Պորտուգալիա), կոմպոզիտորներ Անդրիուս Արությունյանը (Լիտվա/Հոլանդիա), Արսեն Բաբաջյանը (Գերմանիա) և դաշնակահար Անահիտ Զառույանը (Մեծ Բրիտանիա):

Ստեղծագործությունների առաջին կատարումները հնչել են 2023 թվականին դեկտեմբերի 18-ին ՀԲԸՄ համերգարահում: Չայնագրությունը կատարվել է ԵՊԿ Ակուստիկ լաբորատորիայում, հնչյունային ռեժիսոր՝ Սերգեյ Ումրոյան:

Նշենք, որ ալբոմը կներառվի Spotify-ում: Չայնասկավա-

ռակում ընդգրկված են ինչպես մասնակցության հայտ ներկայացրած, այնպես էլ դափնեկիր ստեղծագործությունները:

Առաջին մրցանակ. 1. Միքայել Վարդանյան՝ *Ballade* (4-րդ կուրս, ղեկավար՝ պրոֆեսոր Ստեփան Ռոստոմյան, կատ.՝ Մերի Շարբայան (2-րդ կուրս, ղեկավար՝ պրոֆեսոր Սերգեյ Սարաջյան))

2. Կարեն Սարգսյան՝ *Toccata* (4-րդ կուրս, ղեկավար՝ պրոֆեսոր Երվանդ Երզնյան, կատ.՝ Լիլիթ Մարտիրոսյան (2-րդ կուրս, ղեկավար՝ պրոֆեսոր Վաղարշակ Հարությունյան))

Երկրորդ մրցանակ. 1. Լեոն Պողոսյան՝ *Landscapes of my hometown* [3-րդ կուրս, ղեկավար՝ Արամ Հովհաննիսյան, կատ.՝ Թերեզա Մարկոսյան (3-րդ կուրս, ղեկավար՝ պրոֆեսոր Սերգեյ Քեչեկ)],

2. Դիբա Փիշդադի՝ *Klavierstück* (Ֆակուլտատիվ 1-ին տարի, ղեկավար՝ Արամ Հովհաննիսյան, կատ.՝ ԵՊԿ կոնցերտմայստեր Գայանե Ասլանյան),

3. Մերի Գրիգորյան՝ *Piece for piano* [1-ին կուրս, ղեկավար՝ ղոցենտ Վաչե Շարաֆյան, կատ.՝ Մարիամ Հովհաննիսյան (1-ին կուրս, ղեկավար՝ պրոֆեսոր Ջեմֆիրա Բարսեղյան)],

Երրորդ մրցանակ. 1. Շուշան Արևշատյան՝ *Extasis* (Ֆակուլտատիվ 3-րդ տարի, ղեկ.՝ Արամ Հովհաննիսյան, կատ.՝ Նարե Սուքիասյան (մագիստրոսականի 1-ին կուրս, ղեկավար՝ պրոֆեսոր Վաղարշակ Հարությունյան),

2. Անդրեյ Կուրբետ՝ *Intermezzo* [Ֆակուլտատիվ 4-րդ



տարի, ղեկավար՝ պրոֆ. Ֆ. Ս. Ռ. Սիխայիլ Կոկմակ, կատ.՝ Անդրեյ Կուրբետ (4-րդ կուրս, ղեկավար՝ պրոֆեսոր Կարինե Օհանյան)],

3. Ռաֆ Թեոքթերեան՝ *Piano Reflection* [3-րդ կուրս, ղեկավար՝ Արամ Հովհաննիսյան, կատ.՝ Մարգարիտ Ասատրյան (մագիստրոսականի 2-րդ կուրս, ղեկավար՝ պրոֆեսոր Կարինե Օհանյան)],

4. Երիկա Մարկոսյան՝ *Waltz of the bats* (4-րդ կուրս, ղեկավար՝ Արամ Հովհաննիսյան, կատ.՝ Լև Առուշանյան (մագիստրոսականի 2-րդ կուրս, ղեկավար՝ պրոֆեսոր Կարինե Օհանյան),

Պատվավոր մրցանակ. Արմեն Գևորգյան՝ *Oxymoron* [2-րդ կուրս, ղեկավար՝ Արամ Հովհաննիսյան, կատ.՝ Մերի Շարբայան (2-րդ կուրս, ղեկ.՝ պրոֆեսոր Սերգեյ Սարաջյան)]:

<https://www.facebook.com/YerevanStateConservatory>

ԼՐԱՏՎԱԿԱՆ ԳՈՐԾՈՒՆԵՈՒԹՅՈՒՆ ԻՐԱՎԱՆԱԾՆՈՂ ԵՐԵՎԱՆԻ ԿՈՄԻՏԱՍԻ ԱՆՎԱՆ
ՊԵՏԱԿԱՆ ԿՈՆՍԵՐՎԱՏՈՐԻԱ ՊԵՏԱԿԱՆ ՈՉ ԱՌԵՎՏՐԱԾԻՆ ԿԱԶՄԱԿԵՐՊՈՒԹՅՈՒՆ
Վկայական N 03A059505 տրված 7.04.2003թ.
ՀԻՄՆԱԴԻՐՆԵՐ՝ Կոմիտասի անվ. ԵՊԿ ՊՈՍԿ
ՍԵՐԳԵՅ ՍԱՐԳՍՅԱՆ, ԳՐԱՐ ԸՆԳՈՅՆ
Գլխավոր խմբագիր՝ ԱՐՄԻՆԵ ԱՌՈՅՆ
Թողարկման պատասխանատու՝ ԳՐԱՐ ԸՆԳՈՅՆ
Խմբագիրներ՝ ԳՐԱՐ ԸՆԳՈՅՆ (հայ. լեզու)
ՍՈՖԱ ԱԶՆԱՌԻՐՅԱՆ (ռուս. լեզու)
Գեղարվեստական խմբագիր՝ ԳՐԱՐ ՀՈՎՀՆՆՆԻՍՅԱՆ

Արտատպումը միայն «Երաժիշտ» ամսաթերթի գրավոր արտոնությամբ: Խմբագրությունը միշտ չէ, որ համամիտ է
հեղինակների կարծիքներին կամ տեսակետներին:
Նյութերը չեն գրախոսվում և չեն վերադարձվում:

Ծավալը 12 էջ: Ստորագրված է 29.04.2024:
Գինը 200 դրամ: Տպաքանակը՝ 101:

Մեր կայքում տեղ գտած հրապարակումների հեղինակային իրավունքը պատկանում է բացառապես
«Երաժիշտ» ամսաթերթի «ԵՊԿ հրատարակչությանը» (<http://yksclibrary.am/conservatory.am>): Այլ ՁԼՍ-
ներում սույն կայքի հրապարակումներից որևէ մեկը ամբողջական վերահրապարակելու համար անհրա-
ժեշտ է «ԵՊԿ հրատարակչությանը» (<http://yksclibrary.am/conservatory.am>) համաձայնությունը: Լրատ-
վամիջոցները կարող են «Երաժիշտ» ամսաթերթից մեջբերումներ վերահրապարակել միմիայն հատվա-
ծաբար՝ պարտադիր օգտագործելով հիպերհղում:

Գովազդի տեղադրման համար դիմել
խմբագրություն մշված հասցեով.

0001, ք. Երևան, Մարկ Գրիգորյան 2
+374 10 52 39 93+118
+ 374 55 00 21 62
<http://www.conservatory.am>, <http://yksclibrary.am/>
E-mail: yerazhisht@gmail.com
<https://www.facebook.com/Yerazhisht-newspaper-Yerevan-State-Conservatory-996490150508214/>

